



閩中金石略卷第四

晉江陳榮仁鐵香

宋二

九日山陳洪進造像記

石高三尺廣三尺六行行五六字不
等正書在南安九日山秦君亭後

太師陳令公大宋乙丑年口造石

阿彌陀佛 住

持沙門賢播記寺僧首惟峭

大師陳令公謂洪進也大宋乙丑太祖乾德四年
也考宋史乾德二年授洪進檢校太傅太宗即位
加太師比洪進老請致仕始加中書令此記如係



乾德所刻不應有太師令公之稱蓋後來補刊者也洪進造像事宋曾會延福寺記慎蒙名山記及圖經均載之惟峭端拱中延福寺都綱曾會稱其主領有程誨導不倦見黃文炤九日山志

九日山宋人題名三十八段

蔡襄題名

摩厓高一丈廣四尺八寸四行首行十字餘三行各八字正書文左行在西峯

慶厯四年二月二十四日沈衡蔡襄莊復□□宜邑宰夏化育林口同遊延福寺隱君亭

右蔡君謨九日山題名字徑一尺渾樸道麗所謂顏結虞策者猶可想見攷陳知柔墨妙堂記謂公

書在泉題名及詩刻凡六蹟三在郡治郡庠三在九日延福今萬安片石已如驚霆轟天震盪大千世畛又地當孔道羈轅旅轍日摩挲其下因而索購墨本故推拓之聲訖無虛日其傳愈遠則其聲愈宏而此題名三十四字獨沈薤於荒厓絕壁童敲火而牛礪角數百年無過而問者何幸不幸之殊邪案公書此時年三十三是年以右正言出知福州其題奉先院壁詩末云莆陽蔡襄慶厯四年二月二十日入延福寺登秦君亭觀白雲并訪北臺還題奉先東壁蓋先此遊四日云

夏化育時
宰南安

忠惠書歐蘇二公皆推為宋朝第一人無異議惟
米老有微辭然後世究不然其言也其碑版照四
齋而烜赫之跡在閩中者惟洛橋及茶錄荔支譜
今錄譜之版均已不存明宋珏曾以棗木重刻忠
惠諸書名曰古香齋寶藏蔡帖凡四卷荔子窮秋
宋香稼村詩洛陽詩佳安吳菱精茶扈從山堂詩
題壁詩百福跋洛神步歲林檎扶護郊燔離都南
歸宿州海隅入春京居在杭京府秋暑跋魯公告
身軍城凡二十八帖為一卷宋珏臨絹本茶錄北
苑十詠詩夢中詩普照院題名凡四帖為一卷荔

枝譜為一卷

翻宗
庫本

書錦堂記

翻宗
搨本

為一卷其刻

僅存形似兼之棗板蝕蠹殊不耐觀故此記中不
復錄入昔朱子跋公書謂歲有早暮力有淺深故
筆跡時時不同今特鈎稽羣書取公諸跡隨年編
纂為表一篇俾閱古者有攷焉

明郭氏東詹謂吾泉山中無唐人一筆惟九日山
有蔡君謨紀游蘇才翁高士峯三字靈鷲山有米
老第一山三字餘多不堪入眸今三石俱存蘇書
余所不解米書乃明人所鐫去原石已隔兩塵此
書雖微泐固當甲於三石也

刻字處其石殊粗蓋下筆時止擇石面略平者書之不先磨琢故質粗易泐也

劉襲禮等題名

摩崖高一丈二尺廣六尺四寸八行行十五字正書在西峯

光祿卿知軍州事圃田劉襲禮公叙因祈雨 顯應靈

岳二廟率同僚比曹外郎通判軍州事壁田程荀宗儒

虞曹外郎知南安縣劉元卿叔獻簽判殿中丞張知古

伯通著作佐郎知晉江縣危雍景和節度推官王舜臣

仲元觀察推官李倬子容同游 隱君亭熙甯庚戌七

月十六日荀題

右郡守劉襲禮等七人題名見志書者惟襲禮與

劉元卿危雍三人耳末標執筆者程荀名他題名

亦間有之

張汝賢等題名

摩崖七行行九字正書在東峯

廬陵張汝賢祖禹按察福建元豐乙丑冬至後三日與

河陽陳絃口口宜興蔣續延祖福唐王祖道若愚括蒼

鮑祇口叟三衢呂防節之營邱王磁稚川會議延福寺

右張汝賢等七人會議題名其人不見於省志職

官曰按察福建是提刑於閩者也陳絃時為轉運

副使蔣續為轉運判官王祖道為泉州郡守呂防

為南安令攷汝賢有烏石山題名云尚書右司郎

中張汝賢按察福建元豐乙丑孟冬二十一日與朝議大夫轉運副使陳絃朝議大夫知福州謝卿材承議郎轉運判官蔣續宣義郎按察司管勾文字王砒會議長樂臺其人與此同者四蓋砒為模官而絃與續均有巡視之職故同出按部也

又按福建續志林深之傳云侍御史張汝賢察訪閩部見建州訟牒叢委付深之理決則汝賢任閩憲所載非一處矣不解省志職官何以啟其名也

喻陟等題名

摩厓六行行十四字
隸書在東峯

提點刑獄桐廬喻陟明仲郡太守長樂王祖道若愚監

郡莆田陳闡伯通南安令衢梁呂防節之遊延福寺自

觀硯礮由石佛北□□□□而歸元祐元年四月初沐

右喻陟等四人題名陟時提刑福建曰提點刑獄者淳化所設官名即提刑司提刑也王祖道呂防

見張汝賢題名陳闡時為通判志書職官表不載人物傳云仙遊人據此則莆田人也無等禪師唐時僧硯礮皆山上石略具形似秦隱君遺跡也

翟思等題名

摩厓七行行十五
字隸書在東峯

郡守丹陽翟思于久監郡龍溪黃彥臣叔粲晉江南安

令長樂陳毅子中三衢呂防節之幙官建陽丘口均平
叔莆田方口口潛禮同遊延福寺瞻彌陀石像謁崇應
公無等禪師龕由聚秀圓通閣登秦君蔡公亭白雲堂
觀菩薩坑釣龍井以還元祐丁卯孟冬式十有四日

右郡守翟思等六人題名前四人見郡志幙官二
人則字剝蝕無從攷所臚山中諸勝多出九日山
志外志有無等禪師而無崇應公有聚秀閣而無
圓通有秦君亭而無蔡公有白雲井而無堂蓋當
時三十六奇之外尚有如許名區矣

蔣長生等題名

摩厓四行十三
字正書在東峯

樂安蔣長生永伯陳留謝仲規執方吳興沈邁中行濟
陽江與幾伯達京兆杜口孟堅延陵吳翊元口元祐己
巳仲秋晦日同遊延福寺

右蔣長生等六人題名攷郡志長生於紹聖四年
守泉此題名蓋先八年其時當是以他官按泉也
謝仲規晉江人陳留其望也選舉表云官本路轉
運使而通志職官表轉運使下不載其名惟轉運
判官及提舉常平茶鹽公事下均列其名皆云熙
甯間任熙甯至元祐中隔十餘年或由判官提舉
陞授運使而通志失收其名歟然運使為本路尊

官不應列名蔣長生之下疑不能明也沈邁時知
泉州軍州事江與幾南安令吳翊晉江令

子駿題名

摩崖三行行十一
字正書在東峯

子駿行部遇此率之民同遊元祐六年孟冬廿一日題
延福寺檀樾林石男壽成侍行

右韋驥題名在九日東峯驥字子駿錢塘人元祐
中為福建路轉運判官見通志名宦傳少以辭賦
知名王荆公喜其借箸賦頗稱道之有文集十八
卷見直齋書錄解題檀樾林在白雲井之左昔殿
甫成夜有神人擁徒歷觀俄隱是所今陰雨中有

燈自明見曾會延福寺碑

方正叔等題名

摩崖高尺
寸七行行五字

正書在東峯

知州事方口正叔提舉市舶章炳文叔虎新下邳令林
深之原叔同遊崇甯三年八月初澣

右郡守方正叔等三人題名正叔名已泐而圖經
亦不載章炳文地志作煥文以其字叔虎推之則
作煥者誤炳文曾通判興化通志列其名尚不誤
林深之莆田人為福州觀察推官福建續志深之
傳云由南劍州錄事參軍改知下邳縣此時蓋受
命未赴任故以新銜入石也

程長民等題名摩厓高四尺廣三尺五

程長民陳子俊高彥適李子晉崇寧五年十月六日同

登秦君亭

施景明題名摩厓高二尺八寸廣二尺二寸四行行九字正書在西峯

建安施景明政和元年五月三日因行縣至此

案文云行縣至此則景明當時蓋官泉州者而地

志佚其名知修圖經者未嘗於石刻一措意也景

明之名見黃仲昭八閩通志江側傳

林適等題名二段摩厓高五尺七寸廣五尺一寸十行行十字正書在東峯

靖康改元初冬提舉常平等事林適述中循按泉南同

提舉市舶魯詹巨山太守陳元老大年通判林孝淵全

一會食延福寺同覽名勝登山絕頂極目遐曠俛仰陳

迹徘徊久之

右林適等四八題名在姜相峯上其人皆見通志

惟志以林適為建炎間福建路安撫使而提舉常

平茶鹽等事中不列其名此亦可補其缺

又摩厓四行行九字正書在檀樾林

長樂林述中陳大年莆陽林全一嘉禾曾巨山同登姜

相峯過此徘徊久之丙午十月十一日

右林適等題名與上段均一時所書彼刻山巔此

鏡山半彼書其官此叙其貫雖欲互文見義亦是元凱銘功二石意古人欲名之傳其汲汲如此

程祐之等題名

摩厓高五尺廣三尺六寸七
行行十一字正書在西峯

河南程祐之吉老提舉舶事以課寂聞得秘閣移憲廣東金華王沈季充帥永嘉薛伯宣士昭天台鹿何伯可浚儀趙庠夫元序莆陽陳謙正仲蔣雖元肅飲餞于延福寺實乾道四季九月二十有九日

右市舶司提舉程祐之以課寂他擢而其同僚餞送題名也案宋史提舉市舶司掌番貨海舶征榷貿易之事以來遠人通遠物元祐初詔福建路於

泉州置司仍委逐處知州通判知縣監官同檢視而轉運司總之暈苑云哲宗二年始詔泉州置市舶舊制雖有市舶司多州郡兼領元豐中歸轉運司後再設而旋廢大觀元年續置建炎初復歸轉運司明年夏復閩浙二司賜度牒直三年萬緡為博易紹興二年命憲臣兼領尋詔提舉茶鹽司兼領移司泉州改紹興七年張讀重修泉州學記其題額為趙奇結銜云左朝請郎提舉福建路茶事常平等事兼市舶此為茶鹽司兼領之證然中興會要載紹興二十二年李莊為福建提舉上曰提

舉市船司用非其人則措置失當又閩書載紹興間任市船者趙奇等一十六人而常平茶鹽司題名皆不重見似是再設專官不以茶鹽司兼領矣端平以後若趙師耕諸人又皆以知州兼船則是仍沿元祐以前舊例矣其設專員當在紹興七年之後其或以知州兼領當在端平之後既無一定章程故史亦不具載也程祐之河南人從君臨桂見新纂福建通志其曰移憲廣東蓋陞授提刑也王洸不見紀載薛伯宣見王梅溪集鹿何時為南安令陳讜蔣雖時為州學教授閩書均有傳趙庠

夫廣陵郡王齋又名彥介見宋史宗室表

林元美等題名石高六尺廣四尺四行八字正書在西峯

蒲陽林元美郡人聶致遠諸葛麟之福唐朱章之林寬夫乾道辛卯仲冬晦日同遊

右林元美等五人題名皆書其字諸葛麟之名廷

瑞南安人官吏部侍郎

張允蹈等題名摩厓四行八字正書在東峯

錦城張允蹈口錢唐陳平村金華胡務德玉牒和卿乾道癸巳仲春二日來遊

果仁刊

右張允蹈等四人題名其末玉牒和卿蓋宋宗室

也允蹈隆興二年曾知興化軍

諸葛麟之等題名摩崖五行前二行七字後
三行八字正書在西峯

乾道□□秋後三日傳□□諸葛麟之林□□□石
似之□□壽飯蔬延福烹茶于思古堂

右諸葛麟之等四人題名首列者為傳某其字闕
故係以麟之名石似之名起宗晉江人通志有傳

虞仲房等題名

摩崖高五尺四寸廣四尺三
寸六行行十字隸書在西峯

淳熙元年歲在甲午季冬朔吳人虞仲房仲幕屬洪子
用朱彥欽趙德季趙幾孚祈風于延福寺通遠祠下脩
歲祀也與者許稱林吳景溫聞人應之趙子張

右虞仲房九日山題名隸書大如掌攷仲房名似
良淳熙中提舉泉州市舶司書史會要云號橫溪
自稱寶蓮山人吳郡餘杭人官至監左藏東庫善
篆隸而浙江通志又以為黃巖人淳熙中官成都
院判有篆隸韻書行世今觀此題自曰吳人則書
史會要為尋其實仲房篆書學張有曾重刊復古
編於遂甯李巽岩說文五音韻譜後序云餘杭虞
仲房能為古文奇字聲溢東南凡江浙扁榜與其
它金石刻多仲房筆然則仲房當日翰墨非宋宗
者矣

又案董史皇宋書錄引李詠蘭澤野語云仲房善篆隸隸法尤工家徒四壁藏漢隸刻數千心慕手追盡其旨趣其分析波畫是正偏房各有根據大至數尺小至蠅頭無不能之今江浙人家園亭墨榜時或有之

司馬伋等題名

摩崖高九尺五寸廣五尺四寸七行行十二字正書在西峯

淳熙十年歲左昭陽單閏閏月廿有四日郡守司馬伋同典宗趙子濤提舶林劭統軍韓俊以遣舶祈風於延福寺

通遠善利廣福王祠下修故事也遍覽勝槩少憇於懷

古堂待潮泛舟而歸

右郡守司馬伋等祈風昭惠祠題名也案閩書云靈岳祠在九日山下神永春樂山隱士也咸通中立廟以祀宋封通遠王嘉祐中禱雨有應郡守蔡襄奏加封善利尋加廣福順濟此題在淳熙十年而曰通遠善利廣福王則順濟兩字又為後來所加矣祠為宋市舶祈風之所靈跡顯異至於封王爵降御香炷羔烹酪而報賽者頂趾相錯見於李文肅邠之記今則大編小舸羣奉天后濤山浪屋之中聲響昭灼立專祀錫徽併問所為昭惠祠者

蓋不能舉其名矣襍崇錄而靈著香火家而聲效傳曰鬼神依人而行諒哉司馬伋淳熙九年以寶

文閣待制知州事韓俊開封人孝宗親擢為統制

馭軍有良將風趙子濤時知南外宗正司林劭時

提舉市舶皆見圖經林劭省郡志均諱子濤系出

燕王實太祖之來孫後贈少師見宋史宗室表馬司

伋字季思見老學菴筆記宋史司馬光傳建炎八年錄曾孫伋補承務郎陸游渭南集云南渡後以

温公無後以其族人伋為温公曾孫

林枏等題名摩厓五行行十五字正書在東峯

船司歲兩祈風子 通遠王廟祀事既畢登山泛溪因

為一日之遊淳熙戊申夏四月會者六人林枏趙公迴

胡長卿韓俊折知剛趙善口冬十月會者五人趙不口

胡長卿韓俊趙善口鄭頤口

右林枏等題名前會者六人後會者五人除再至

複見者實八人枏字子方莆田人由江西轉運使

知泉州郡志職官表於淳熙十二年列枏名十四

年列傳洪名十五年列曾逮名注云九月任十月

致仕今此題名實淳熙十五年是九月已前枏必

再知泉州故四月之會首列枏名洎十月則枏已

謝事後守曾逮亦以將致仕故兩守皆不與耳趙

公迴字仲和晉江人時知南外宗正事胡長卿提
舉市舶韓俊左翼軍統制折知剛為通判餘三人
字泐無攷

倪思等題名

摩厓六行行十五
字正書在東峯

嘉泰辛酉十有一月庚申郡守倪思正甫提舶余茂實
口甫遵 令典祈風于昭惠廟既事登九日山懋懷古
堂回謁唐相姜公墓至蓮華岩而歸統軍韓俊用章口
口朱曾景參載溪肖望錢箏仲淵口口口口陳士龍雲
口吳口口

右郡守倪思等九人題名泐者二人倪公守泉多

善政時方之忠惠忠文事跡具宋史本傳提舶余
茂實統軍韓俊通判朱曾添差通判戴溪皆見地
志錢箏時為節度推官見瑞像岩倪思詩跋陳士
龍已下殘泐不可攷

余襄等題名

摩厓高二尺六寸廣四尺八
寸八行行四字篆書在西峯

鄱陽余襄懷王鄭焞上饒施澆同遊九日山嘉定庚辰
四月晦襄題住山仁端刻

右余襄鄭焞施澆游九日山題名篆書徑五寸焞
字澆字皆南閣祭酒書所無蓋以意為之者其結
體孱而行筆緩於斯冰尚隔數塵書史會要稱余

襄鄱陽人工篆其大字尤精或當時標榜語過其實歟

章持等題名

摩崖高一丈五寸廣五尺二寸八行行二十三字正書在西峯

嘉定癸未孟夏二十六日戊戌東陽章持敬則壽春魏口叔子山西楊世勛元功三山林力行勉之郡人留元圭持中括蒼何口德常之合口陳億曼卿莆陽王彥廣居之清潭鄭名卿坤輔句水戚達先兼叔嘉禾陸相同甫莆陽黃荃德言即墨于達卿兼仲天台應基于履開封趙汝口千里三山趙與官清叟三山南澄士登以祈風於昭惠祠下因會於延福登山瞻石佛訪隱君亭

少憇懷古而歸期而不至浚儀趙善軒載卿莆陽劉輝叔元覽

右章持等十九人祈風九日山題名姓氏名字全者十六人泐者三人可攷者六人林力行嘉定間通判軍州事留元圭有傳見閩書時主管南外睦宗院元圭字持中閩書誤作粹中王彥廣紹熙四年進士南安令鄭名卿亦彥廣同年進士皆見選舉志趙與官燕王德昭裔見宋史宗室表嘉定十年以宗子正奏淳祐四年宰惠安是時不知任何職趙善軒時知南外宗正司事竊意諸人皆當時宦於泉者而

圖經乃佚而不載則其闕扁者多矣

郭德進題名

摩崖高四尺寸廣七寸正書在西峯

嘉熙戊戌菊節日三山郭德進晉父涪口戴開先侍親來遊

顏願仲等題名

摩崖高九尺廣六尺八行十三字正書在西峯

太守貳卿顏願仲禱回舶南風遵彝典也提舶寺丞劉克遜俱禱焉重司存也禮成飲福尚羊岳壑真勝踐也別駕盧同父左翼權軍陳世才舶幙趙崇岳邑令尹薛季良從與祠事也宗正徽猷趙師恕適拜開國命弗果至也時涪祐癸卯孟夏乙丑也書者同父也

右泉守顏願仲等祈風通遠祠而別駕盧同父書以記之者也攷元祐初詔市舶委逐處知州通判諸官同檢視故凡遣舶禱船之役自刺史而下皆與祭真西山守泉先時商舶懼苛征和買之擾歲僅三四艘至西山革其弊於是年增三十六艘然則太守雖不兼舶權則重於提舶矣泉州市舶之設未詳何時閩王延彬刺泉每歲發舶無失者時謂之招寶侍郎則當在五代以前矣宗時置提舉一員元增其一又設同提舉副提舉各二員知事一員明設提舉副提舉吏目各一員正德後移於

福州此題有曰舶幙趙崇孟攷宋時提舉之屬有
監舶務幹辦公事等官見於省志而宋史未載所
云舶幙當即是矣又其稅之之法宋史元祐十四
年詔番舶以香藥來者十取其四沈香荳蔻龍腦
之号細香藥者十取其一元明之制則未聞也是
記自太守而下凡七人顧仲龍溪人劉克遜莆田
人克莊弟同父候官人陳世才無攷趙崇孟太宗
子簡王裔見宋史宗室表孟音起字載玉篇薛季
良興化人時宰南安趙師恕大祖子燕王裔亦見
宗室表時知南外宗正司癸卯則理宗三年也志

諺淳祐為淳熙惟
八閩通志不誤

林躬行等題名

摩崖石高五尺廣四尺
行行十字正書在西峯

淳祐四年五月二十六日邑宰林躬行偕同僚周一舉
鄭必得黃叔度趙崇遜飲懷古堂訪隱君遺跡陳佃以
攝丞預翁元吉自山中約至矣昔宿雨開霽溪山增明
足以助登覽之勝

右林躬行等七人遊九日山題名皆淳祐中宦於
泉者然見於郡志者惟林躬行淳祐間為南安令
黃叔度為宗學教授餘俱無攷矣趙崇遜太宗子
漢王裔見宗室表別有安溪縣尉陳澗亦同時人

當即此攝丞之陳儗也而志誤從水旁也

林奭等題名摩厓高六尺廣三尺七寸五行行十字正書在東峯

三山林奭君召與同郡林躬行得之周秉秀子立陳儗

子寬南嶽趙楷端父慈谿朱正中叔大以淳祐甲辰游

九前一日來游此山

右林奭等六人題名奭嘉熙二年進士時宰晉江

郡志誤云寶祐間任林躬行陳儗見前題名游九即重九也

易水游至陸續注云游再也左僖十三年杜注荐

重也游與荐通以重九謂游九前此未之見也

趙師耕題名摩厓高七尺廣三尺二寸五行行八字正書在西峯

淳祐丁未仲冬二十有一日古汴趙師耕以郡兼船祁

風遂游

右趙師耕九日山題名攷郡志淳熙七年師耕守

泉兼提舉市舶按淳熙為孝宗年號去理宗淳祐

七年丁未中間隔六十八年安得若是之久據此

題名則淳熙蓋淳祐之誤也此文祐從衣祈從下

皆涉筆之譌

趙希道題名摩厓高五尺廣二尺五寸五行行八字正書在西峯

淳祐丁未仲冬二十二日古汴趙希道希迎與莆田卓

渙來遊

右趙希道等三人九日山題名拓本泐一字據原
石補錄攷泉守古汴趙師耕題名先此一日宋史
宗室表燕王裔有師耕其子希道則希道者其師
耕之子姓歟 迎古文遂字

趙竹屋修三賢祠題名

摩厓高四尺餘廣三尺五
行行八字正書在西峯

□□竹屋趙公□□資重□□三賢祠□□亭砌石□堦
路□□古前一了涪祐□□端陽住山慧珪

右趙竹屋修九日山三賢祠題名其下段覆於土
故斷續不成文三賢者秦系姜公輔韓偓皆嘗居
此山者也

重修三賢祠題名

石高七尺二寸廣六尺一寸
行行十二字正書在東峯

涪祐壬子夏五月南邑重□三賢祠成六月上澣郡人
陳□□進叔蔡次傳仲孚徐明叔仲晦趙時煥堯章王
庚景長同□□下令君趙崇皦用晦置酒□□呂落之
酒半登秦君亭摩□□硯碾鼃啜茗石佛巖復會于懷
古堂聚秀閣覽名區之□□前哲之高風從容竟日□
□翠光亭乘月而歸

右重修三賢祠考成職題名者六人陳進叔名知

柔蔡次傳晉江人官太常少卿徐明叔亦晉江人
官兵部侍郎趙時煥志云字元晦而此作堯章則

元晦殆晚年改字也王庚淳祐元年進士亦晉江人崇皦見前

郡守祈風題名摩厓高 尺 寸廣 尺 寸書在 西峯

寶祐丁卯仲冬□□郡守天台□□祈風□□□□

□□□□□□父總管□防□□□□□□□□

□□□□□□□□□□□□□□□□三山王

廣翁□□權舶幹□□□□監舶豫章李□□

右郡守天台某人祈風題名刻於懸厓之上不惟難施椎擗而落鮮封翳即洗剔亦無從下手故殘闕殊多也

徐明叔等題名摩厓高 尺 寸廣 尺 寸書在 西峯

寶祐六年三月甲戌徐明叔仲晦洪天錫君疇王廣翁

居安方澄孫蒙仲梁椿選壽卿同遊登懷古亭酌□□

泉淪茶觀石像訪姜□舊迹小飲聚秀摩泮□明翰墨

探韻賦詩抵莫□□□期而不至呂中時可

右九日山徐明叔等六人題名明叔紹定五年進

士官至兵部侍郎洪天錫寶慶二年進士官刑部

尚書華文閣直學士謚文毅皆晉江人方澄孫字

蒙仲以字行淳祐七年應萬言科登第時通判泉

州莆田人梁椿選淳祐七年進士官右正言縣志 不載

其呂中亦椿選同年進士官國子監丞兼崇政殿
說書亦均晉江人皆見圖經王廣翁三山人見方

澄孫九日山題名

方澄孫等題名

摩崖高一丈廣六尺九寸八
行行十二字正書在西峯

寶祐戊午四月辛卯莆田方澄孫被旨攝郡兼船越十
有八日戊申祈風延福壽陽紀智和開封趙夢龍三山
彭樵王廣翁趙時備豫章李宏模同會遵故事也時農
望方切并以雨禱辦薌纜興霖霖隨至乃書于石以紀
之云

右方澄孫等七人題名何氏閩書云澄孫莆田人

淳祐七年進士由國子監出為泉州通判攝郡守
篆兼司船剔除蠹弊史不得逞通志云方蒙仲名
澄孫以字行乾隆泉州府志於通判名內分列蒙
仲澄孫之名一云莆田人淳熙間任一云莆田人
淳祐間任攝守兼船是誤以一人為二人矣

王廣翁修石佛識

摩崖高七尺正書在西峯

口口王廣翁癸丑口注前一夕夢躡山椒上廬石佛暨
抵邑山行訪古口與夢符遂命工飾而新之時寶祐戊
午夏五謹識

右王廣翁修石佛記廣翁福州人此題首缺兩字

蓋三山字也石佛雕於陳令公洪進在高士峯之

上王梅溪詩云郡志誤為朱子詩卧草埋雲不記秋忽然

成殿坐岩幽紛紛香火來求福不悟前生是石頭

則當時乞靈邀福如廣翁輩正不乏人耳

曾順伯等題名摩崖石高八行行十三字正書在無等岩上

開慶改元十一月朔介菴曾順伯竹口留傳領客口口

揚浩南溪張口口口郭口口仁趙若瀆愛洲葉口口竹

可揚公節虞困馬元龍雲口翁汝明遊九日山登秦君

亭汲泉淪茗訪口賦詩相率抵莫留宿而歸告住山竹

岩本際僧口枯崖圓公預焉期而不至揚坡曾謙仲

右曾順伯等十三人題名姓字名貫大書深刻其

為沒世之稱計亦至矣今乃一無可攷金石最壽

而人乃無以資壽於金石則亦澈澈同盡而已念

此為之瞿然

趙德淵題名摩崖高二尺四寸廣一尺三寸二行行六字正書在西峯

趙德淵戊午冬十月挈家東遊

右趙德淵九日山題名德淵無攷驗其筆迹當為

宋人

曾伯瞻等題名摩崖高二尺五寸廣四尺三寸八行行四字正書在西峯

曾伯瞻黃正臣游希道方彥逸元聖康甲申上巳同會

思古堂遂至此亭可老偕來

右曾伯瞻四人游九日山題名也思古堂在山阿廓然亭在山半皆山中勝處

王梅溪集有贈可公詩云可公禪老住泉之九日山二十年又九日山志乾道間僧無可運琴泉軒此云甲申則隆興二年先於乾道一年也

葉某題名殘字 摩厓二行行存五字正書文左行在東峯

辛亥仲秋葉下同清來游

九日山宋人榜書二段

蘇舜元書高士峯三字 石高四尺五寸廣三尺篆書徑一尺二寸才翁二字隸書

徑八寸在西峯

高士峯才翁

高士峯者唐秦系隱居處也後人亭其地者曰秦君時才翁為福建提刑行部至泉復以此三字表山才翁名舜元蘇子美之兄草聖藉甚一時山谷跋書謨書謂其獨得才翁屋漏法宣和書譜備其善篆隸今觀此書用筆枯勁迥異古法又三字之中不合於六書之指者二高字不從口峯字逸山於下又變峯敷容切為峯普拜切此皆說文之所無者

也無論斯水不致此謫試使恕先鼎呂輩為之亦必無此

蘇紳書姜相峯三字

石高五尺一寸廣一尺六寸正書在東峯

姜相峯

右蘇學士紳所書姜相峯三字字徑尺餘無款識其旁石礪一堰漫漶不可辨或題名在此亦未可知郡志謂是慶厯四年所書當有據也考宋陳知柔九日山墨妙堂記備是山自馬懿公為郡以儒雅稱而相國姜公實廬山下席使君秦隱君從之遊詩益多而字不多見其後內相韓偓居南安尤

以詩鳴其家刻之碑邦之文士如歐陽四門林御史昆弟史豔盛昭州均與李山人沂周處士林輩往往有墨跡在巖厓率磨滅不傳今存者賢良公姜相峯三字與呂縉叔所為林鄉墓志而已案此則唐人石墨字已無存今去休齋又數百年宜其稀如星鳳則此書與君謨題名才翁峯篆均為九日祖刻矣明黃文炤九日山志言東峯尚存秦隱君不逐時人後一詩今亦未見然宋世既云磨滅不應明代復出或後人重鐫歟

蔡忠惠公書蹟表

紀元 行年事蹟

大中祥符四年

一歲

辛亥

公生 案本集丙午二月

天聖八年

十九歲

知也 泱我生之長則公生春日可

公志 拱長榜進士 案歐

然考本集讀樂天間居篇

詩云十九登科第八蒲君

誌銘云天聖八年又二十

中第子時少君一歲則當

或本集為信歐誌稱十當

九年辛未 明道元年 壬申

二十歲 十一歲

書蹟

二年癸酉 二十歲
二年甲戌 三十歲
二年乙亥 四十歲

三年丙子 二十歲
三月解漳州判官任為西京留守推官

四年丁丑 二十歲
六年己酉 二十歲
七年庚戌 二十歲
八年辛巳 二十歲
由推官進朝奉郎大理評事

康定元年 二十歲
改著作郎館閣校勘
慶曆元年 三十歲
辛巳歲

二年壬午 三十歲
三月以秘書丞集賢校理
三年癸未 三十歲
知諫院兼修起居注

奉詔書無逸篇於閣
見續綱目案是年
屏公方判漳州不應
能奉詔書屏玉海載於皇祐
四年特為確核今姑編入
七石序 見本集

謝公堂記 見本集
導伊水記 見本集

三略 見劉後村集
書賦 見東坡集
陳殿丞送行詩序 見本集
集後村集作慶曆二年

囊山陳伯孫詩 石刻
田未題康定二年九月蓋
仍未改元已前文

安州孝感縣井記 本集

臨安海會寺記 坡集

謂公書此記時年二十九
今從本集編此

陳文惠公神道碑 見歐

四年甲 三十三歲

以右正言直史館出知福州案集中讀樂天間居篇云唯予守長樂幸府志採陳知柔墨妙堂記就祿養豐自注云三十四然下文又云八年江海外再上螭階東四十入西閣宿仇司化工若从本集三十四計之至四十則僅七年不應八年也歐誌以知福州為慶曆四年事今从之本集所云或者四年受命五年始赴任故云三十四也

題延福寺東壁詩泉

九日山題名 石刻在南安

書李白劉禹錫杜牧

四絕句 後村集

聖惠方後序 本集石刻在福州今佚

五年乙 三十四歲

六年丙 三十五歲

七年丁 三十六歲

改福建路轉運使罷州案本集云慶曆七年余使本路明年夏四月自汀來漳則公之罷州改轉運使當在是年本傳及歐誌均未著歲月

鼓山靈源洞題名 刻石在福州

八年戊 三十七歲

子 七歲

皇祐元 三十八歲

年巳丑 三十九歲

二年庚寅 四十歲

三年辛卯

公父贈刑部侍郎琇卒

除父服判三司鹽鐵句院復修起居注 案本集云

四年壬一歲十
遷起居舍人知制誥兼判
流內銓 辭知福州之命

四十入西閣宿仇司化工
是時高若訥為參知政事
公當作四賢一不肖詩不
肖即指若訥故曰宿仇

奉詔書無逸孝經於

邇英閣 案玉海皇祐四

所書無勉孝經圖王氏設
錄云皇祐中受詔與君謨
分寫邇英閣二圖洙書無
逸篇君謨真書孝經既成
上作飛白二軸答之又范
祖禹劄子云仁宗皇帝初
御邇英閣即書無逸於屏
間其後歲久而弊又命知
制誥蔡襄書之

謝賜御書詩

本集解縉春兩集有跋
近刻集入小清秘閣帖

普照院題名 游官紀
齋帖有刻本 聞古香

葛氏草堂記 本集

五年癸 四十 權禮部貢舉
巳和元 四十 以禮部郎中知制誥遷龍
至甲午 三十 圖閣直學士知開封府
二年乙 四十 以樞密直學士移知泉州
未 四歲

至和元 四十
年丙申 五歲
案是年 二月赴泉州任閏三月移
九月始 知福州八月赴福州任
或稱嘉 祐三年

杭州新作雙門記 見
集咸淳臨安志作杭州府治
記 本
茶錄 懷安令樊紀刻本

二年丁酉 四十歲
三年戊戌 四十七歲
七月再知泉州 案公以
便養乞再守泉至是始蒙
俞允

四年己亥 四十歲
五年庚子 四十九歲
秋召拜翰林學士權三司
使

六年辛丑 五十歲
二月赴京

七年壬寅 五十一歲
八年癸卯 五十二歲
治平元年甲辰 五十三歲
二年乙巳 五十四歲
二月罷三司使以端明
殿學士尚書禮部侍郎
出知杭州五月到任

三年丙午 五十五歲
徙南京留守未行丁母
憂 案本集丙午二月
雜言詩云仲春一浹我
生之辰紀歲之行五十
又五慈親是時九十二
則丁憂當在二月後也

四年丁未 五十六歲
八月卒於家

有美堂記 歐集

荔支譜 本集

萬安橋記 石刻存

修驛記 本集

荔支譜 古香齋帖 案公
書荔支譜蓋有數
本故年月不符

劉蒙伯墓碣 石刻本在
福州今存

重書茶錄 韓中令像

畫錦堂記 歐集 三年二月
立石

杭州清暑堂記 本集咸淳
臨安志

牡丹記 歐集

臨真草千文

唐太宗哀冊

臨樂毅論

三司日錄

論樂帖

卜筮帖

觀書記

孝嚴殿記

以上八種均見劉后村集
跋語

真州東園

薛將軍碣

集古錄目序

永城縣學記

以上四種均六一
居士集所記

白蓮四帖

林竹溪集所記

焦山方丈六板壁

東坡志林所記

離都帖

浪樓雜記

孝親崇福院詩牌

安陽集所記

遺建康杜君懿行草四帖

續稿

元舅隴西王碑

宋史

書杜老前出塞詩

朱子集

安樂帖

均見王

題沙隨程氏歛硯

清暑筆談

扶護帖

俞州集

郎中帖

妮古錄

自書絕句詩

寓意錄

荔子

窮秋

宋香

稼村詩

洛陽詩

佳安

吳菱

精茶

扈從

山堂詩

題壁詩

百福跋

洛神

步箴

林檎

扶護

郊燔

離都

已見

宿州

海隅

入春

京居

在杭

京府

秋暑

跋魯公告身

夢中詩

亦宋珏刻

軍城

右凡二十八帖見宋
珏所刻古香齋蔡帖

北苑十詠

右或無年月可繫均列於此

右表據公本集及宋史本傳歐公所作墓誌蔡公別紀補遺暨諸書譚公事蹟者彙輯而成公生平所書當不止此第就所見所知者錄之耳又中州金石記載元豐七年韓魏公祠堂記指為公書攷元豐七年公已沒十七年此必習公書者所作也

增識於此

興化刻法帖五卷

蔡氏所刊有尺牘合牡丹記荔枝譜茶錄有美堂記清暑堂記為五卷最精也

廬陵刻法帖一卷

豫章刻法帖一卷

其中多有與廬陵同者

觀風堂刻法帖一卷

學宮刻畫錦堂記

湖州學記四碑

廬山陳氏甲秀堂刻飛草一卷

放生池記

以上均見董史皇宋書錄

閩中金石略卷第五

晉江陳榮仁鐵香

宋三

蒼玉洞宋人題名二十八段

王稷題名

石高二尺七寸廣一尺四寸正書徑五寸兩旁年月正書徑一寸在石門左樟樹下皇宋慶厯八年歲次戊子

王稷治臣題

季春望日住持僧澄慧記

案福建通志王稷壽昌人天聖二年進士皇祐間知南劍州熙寧間知汀州攷是題為慶厯八年先

於皇祐一年先於熙寧二十一年則非守汀郡時所題矣

徐大方等題名

石高四尺九寸廣一尺六寸三行行十三字正書徑三寸五分在石門右

向東

□□丞通判郡事徐大方沖道會邑宰庠博楚制中幾道□幕張任賢康侯熙寧戊申季冬望沖道題

按徐大方甌甯人新舊通志均載於職官汀州通

判之列而云任年無考據此題名則熙甯也

蕭佐等題名

石高三尺七寸廣一尺五寸三行行九字正書徑四寸在石門右

郡守廬陵蕭佐通判濟陰任元偓同遊此元豐九年正

月十七日佐題

按汀州志蕭佐江西人元祐中知汀州有善政此

題曰元豐九年攷元豐無九年八年乙丑三月哲

宗即位改明年為元祐元年此書九年正月當有

誤或改元詔書未至閩仍題故君正朔耶

陳邠等題名

石高四尺四寸廣二尺四寸四行行八字正書徑四尺六分在石門

轉運判官陳邠彥聖郡守林可獻之倅乘葉庭方幹臣

紹聖甲戌十一月九日同游

按陳邠長樂人其元孫暄字日華映字景齊皆有題名在蒼玉洞

潘天隨題名 石高二尺廣一尺三寸三行正書徑四寸在二老峰

潘天隨黃修關老蕭相明關仲春關

右潘天隨等題名殘石攷三山志紹聖九年甲戌

畢漸榜有潘志道字天隨當即其人

蔡元題名 石高一尺五寸廣一尺二寸題名一行字徑三寸年月二行字徑一寸半

蔡元獨遊

建中靖國元年

正月五日題

臧子常等題名 石高二尺八寸廣一尺八寸四行行七字正書徑三寸餘在石門左

鄱陽臧子常莆田陳仲約宋庭瑞長樂張閔道崇宣癸

未寒食日同游此

九僊居士題名 石高二尺三寸廣一尺四寸五行行八字行書徑二寸在卧牛岩頂

九僊居士陳口口口按臨汀宋口口口食東禪院遍

觀口口信為天下冠絕崇甯癸未臘月初漸

章仲甯等題名 石高四尺一寸廣一尺八寸四行行九字末行十一字行書徑二三寸

不等在卧牛岩

姑蘇章仲寧福唐柯明甫同遊廬陵蕭拱辰維陽馬世

永參從大觀改元歲在丁亥正月十四日題

案章仲寧名清時為汀州守見郡志及二老峯題

名

盛景仲等題名

石高二尺二寸廣一尺五寸四行

口汴盛景仲居明口口范良誠父同口口禪時政和甲

口口春十八日題

案徽宗政和紀元止八年此甲下泐一字當為午

字蓋政和四年也

魏允道等題名

石高二尺七寸廣一尺六寸五行

東都魏允道宣味乙巳孟夏念五日因飯僧邀鄉友馮

景成昭武陳子光長汀葉邦美延平林益德龔元美會

此男嗣賢立賢侍行

卓彥仁等題名

石高三尺五寸廣二尺四行行七字

卓彥仁蕭器達連安立上官德甫薛敏季靖康改元孟

冬十有六日同遊

案三山志政和三年釋褐有薛銳字季敏此曰薛

敏季或是志有舛謫

薛敏季等題名

石高三尺一寸廣二尺一寸四行行

三山薛敏季鑑湖詹子雍樵溪上官德父黃德厚同游

連炎丁未七月廿四日

蘇公才等題名

石高四尺四尺廣二尺二寸五行行

臨汀郡守蘇公才率幕官方安國李箕長汀丞鄭公才

宣化簿黃固長汀令黃渥訪募巡社至東禪之石門建

十字正書徑四寸在大士閣東南

四

卷五

四

炎二年正月廿六日

程仲淵等題名

石高二尺九寸廣二尺五行行八
字行書徑四寸二寸不等在石門

□□程仲淵武夷陳□□寒城蔡葺用浚□龍文明紹

興癸亥四月五日同游

鄉□高去華曾觀

案未行高去華一條非同時所書者

斛繼善等題名

石高四尺三寸廣一尺六寸四行
行十三字正書徑二寸在石門右

郡守斛繼善德元通判王岡伯高率同僚以紹興辛巳

重九日登卧龍山過雲驤樓乘興遊東山茗飲于巖節

亭書之於石以紀其行

林伯忠等題名

石高三尺三寸廣二尺二寸七行行
十一字隸書徑寸半在大士閣東

三山林元高伯忠余侑子□李潮仲宗永嘉趙□□

玉牒善定應老師說商卿□遂君明木城顏應時子瑞

乾道壬辰七月廿式日來遊蒼玉時微雲閣雨涼生巖

竇間杖屨徜徉不知身之在塵世也

案三山志乾道二年進士有余侑字子揚當即其

人宋宗室不署姓冠以玉牒字其疎遠者或冠以

屬籍字

鄭良嗣等題名

石高三尺八寸廣一尺六寸四行行
十一字正書徑三寸餘在卧牛岩

提點刑獄開封鄭□□□□□按行屬部因得觀覽□

口口之郡守清源謝知幾覺先口游乾道壬辰孟冬上
漸

右鄭良嗣蒼玉洞題名其石下段已泐名字不可
見攷通志知其為良嗣也

呂大猷題名

石高三尺三寸廣一尺五寸六行
行八字正書徑二寸在卧牛岩南

太守東萊呂大猷允升路鈐臨洮馬顯祖炳先同按本
郡秋教已而從小隊遊東禪觀郡石小駐而歸淳熙辛
丑仲冬中漸題

案宋史職官志凡要郡文臣帶本路兵馬鈐轄武
臣允副鈐轄紹興三年詔守臣帶路分鈐轄去處

並罷此題為淳熙辛丑在紹興罷守臣帶鈐轄之
後所書路鈐臨洮馬顯祖蓋武臣充本路鈐轄者
也太守既不帶其職則專以武臣充之非副矣故
顯祖之銜竟書路鈐也

陳日華等題名

石高三尺四寸廣二尺五寸十一行
行十六字隸書徑一寸七分在卧牛

岩東

慶元丙辰十月晦日郡守長口口晦日華同列乘闕清
林文仲次章察察玉牒不臨允卿浚儀朱端伯正楚圮
楊應材仲福清許惠卿懋蘇汴師董邦佐彥輔廬陵楊
端節直方式夷詹克愛濟夫屬籍善愷俊叔溫陵曾鎮

玉斧富沙李蒙之亨夫金陵何公鼎元鎮安國康永年
椿老湖湘張衣聞仲蓋東嘉國幼聞孟約晨炊于雲驤
閣午集于此徭徭松陰列石如屏鬱然蒼蒼映我座隅
已而散策小橋之間大酌劇譚賓主樂甚畢景巨歸約
而不至者四人

右陳日華題名隸書首行泐樂陳二字日華映之
兄時為汀守有善政見郡志名宦傳林文仲時通
判單州事趙不臨長汀令不臨見宋史宗室表郡
志誤作不臨楊應錄事參軍許惠卿司戶叅軍曾
鎮軍事推官餘十人未詳雲驤閣在府城東南隅

陪音冀
與陪別

張行儉等題名石高二尺廣一尺二寸三行行
十字正書徑二寸餘在石門西
里人張行儉赴肇慶守經從陳日華林次章相約來遊
時慶元丁巳十月晦日

按三山志張廣字行儉永福人登紹興二十七年
王十朋榜進士陳日華名暄長樂人林次章名文
仲閩清人此行儉之官肇慶道出臨汀其時日華
為郡守次章為通判皆同里也

陳映題名石高二尺二寸廣一尺五寸六
行行九字正書徑寸半在石門
映領郡閣七旬有八日按武竣事敬拜

高大父紹聖觀風所記歲月之下悵念今昔輒復綴名于旁嘉泰壬戌三月下潘之七日映謹書

按陳映為郭之元孫繼其兄日華先後守汀州皆有善政此刻在紹聖甲戌陳郭題名之旁壬戌二字原刻旁注乃嘉泰二年也下漸作下潘亦初見趙之謙補寰宇訪碑錄云以潘為漸或取左傳遺之潘沐意

陳映等題名

石高三尺廣一尺九寸行行十六字正書徑一寸五分在大士閣東北

長樂陳映景齊浚儀趙師□□□□□□廣彥飭元修善艾耆年汝誕□□□□□□玉天台謝周卿師旦合沙

謝□□□□□□衛卿李宗申之翰鄭伯玉德□□□□□子方溫陵夏子排發之章貢丞極□□□延張公明元哲涇源葉永興昌嗣東□□崧峻林昭武吳佐時元輔永嘉潘景□□明大名趙辟□卿以嘉泰癸亥九日會于翠微晁登卧龍絕頂□□冠日秋氣澄清主賢賓儁此□不減醉翁□□□偶書

右陳映題名石缺左下一角映已見前趙師□攷郡志時通判為趙師寀謝周卿長汀令李宗申閩縣人紹熙五年進士見三山志日華之會十六人映之會除石涵見存者已二十二人可謂極一時

之盛

趙彥橐等題名

石高二尺一寸廣一尺七寸七分行行十一字隸書徑一寸二分在大士閣

東北南向

嘉泰甲子三月八日郡守浚儀趙彥橐文長偕倅乘師

窠伯蘇路鈴永嘉潘檉德久循故常閱武事事竟次日

同游雲驤過蒼玉躡翠微時積陰新霽風日清美盃觴

流行登覽舒嘯不知吏鞅之羈絆也

按宋史宗室傳彥橐字文長悼王七世孫慶元初

由知晉陵縣擢監登聞檢院出知汀州趙師宗紹

興五年進士三山志為作棠宗古文實字

葉夢得題名

石已殘缺存者高三尺一寸廣二尺一寸正書徑四寸在翠微亭左旁

上闕

元規葉夢得

下闕

宗道危拱之

下闕

一葉子善

下闕

右葉夢得題名上段為人鏟去僅存三行文不相

續案少蘊紹興中出守福州兼福建安撫使此其

按部時所題也

种安等題名

石高二尺四寸廣一尺九寸四行行十字正書徑二寸在石門東文左行

丁酉仲秋晦种安口口口姚子口劉漢臣鄧晦口口夫

李仲謀賞新亭口口口華國題

蘓才老等題名

石高二尺九寸廣一尺八寸五行行十字正書徑一寸半在二老峯東

長樂蘓才老鄱陽許元傑延平湯公舉丙午中泠後一

日同游是日也天氣晏溫溪山秀潤蓋鄞江之勝盡在
是矣桐水陳口修題

宋人按部題名

石高二尺廣一尺四寸存二行九
字正書徑三寸在大士閣東南

上關戊戌立春聊關按部至此

蒼玉洞宋人詩刻八段

東禪院朝賢詩

石高四尺五寸廣二尺一寸八行
行十四字正書徑二半篆額三字

遊東禪院

太原王

曲曲青溪疊疊山石門深處有禪關
我來自得閑滋味
坐聽風篁晝日還

同前

溫陵郭

地去關城遠無人伴訪尋泉流溪路窄石聳洞門深
紫翠煙嵐懋清涼竹樹陰重來應更樂終日解塵襟

皇祐改元季冬望日僧

上石郭之英書

右郭之英書宋人游東禪院詩一首額篆題曰朝
賢詩三字作者二人止署太原王溫陵郭而不名
豈其爵顯望重當時無不知者歟然今則不識為
誰某矣攷山左靈岩寺王荆公諸人詩刻亦題曰
朝賢詩蓋當時標榜名目也東禪院在汀州蒼玉
洞上今廢

張口徐大方東禪寺詩

石高二尺四寸廣一尺五寸
八行行十字正書徑寸半額

篆東禪
詩三字

留題東禪寺

□□□度支郎中張□

好峯飛去後流出亂雲根應為留僧住□□□門

通判國子博士徐大方

溪流□□韻路入口□□根劉阮□□□蕭疎松石門

熙寧三年十月廿二日

右徐大方與張□東禪寺唱和詩字多漫漶而結法方正猶有平原筆意與蒼玉洞大方題方相似相去蓋二年云

蔣之奇詩

石高三尺三寸廣二尺一寸六行行十二字正書徑二寸餘在石門

□□□廣公譚李君□遊臨□□禪之石門以觀鄞江之流□然有塵外之意而穎未留絕句云熙寧辛亥十月二十八日

月二十八日

蒼玉門徑闊白雲庭院深鄞江一文水清可照人心

右蔣之奇題蒼玉洞詩之奇字穎叔宋史有傳王

弇州傳其書有蘇黃法者也鄞江一名正溪發源

寧化至上杭入海天下水皆東惟汀州獨南流南

丁位也郡名即取此義

郭祥正詩

石高三尺七寸廣一尺六寸四行字數多少不等行書在石門樟樹下

片片冰崖裂淙淙雪浪深
舉頭看白鷺相伴洗塵心
元豐四年秋八月闕須當塗郭方進

按汀州志載此詩為郭祥正所題祥正字功父宋
史有傳所著青山集亦著錄於四庫生平極善
蔣之奇故集中多與穎叔酬和之作此其監臨汀
時追和熙寧中穎叔所題韻也此石詩泐三字祥
正名氏亦闕所題郭方進當別為一人也

章清詩石高五尺五寸廣三尺七寸九
行行十七字行楷書徑三寸
大觀元年歲次丁亥仲冬初澣拉副車吳仲衍口元遊
東山蒼玉洞環視斷崖中得二石焉蓋昔人之所未賞

者因命寺僧從弼削土移木洗出兩峯聳然特異足以
助幽致也清與口元年相若而每至是山則徘徊於其
下故命之曰二老峰云郡太守章清仲宣題
最愛東山碧玉叢洗開塵土見磅礴官閑莫道口口遁
看取巖前二老峯

新贛州教授張則用中同遊權縣令丁執功
右詩在二老峰頂懸梯構木始可搨故汀郡藝文
志不載即山川志亦不載二老峯之名所由始得
此足補其缺

范智聞詩石高三尺一寸廣二尺七行每行一
十二字正書徑二寸餘在飛來岩東

山容截薛石為身造化安排氣象勻杳窳一灣開洞府
巉巖四立護風塵溪光照野疑無夜樹色參天不計春
誰把翠崖磨似玉喜留詩語記幽人

紹興癸亥暮春

高平范智聞題

右范智聞詩一段智聞仕履未詳金石萃編載陝
西慈恩寺塔亦有智聞詩刻末題宣和四年八月

且蓋先此刻二十三年矣

錢元忠詩

石高三尺廣一尺六寸八行行十
七字正書徑一寸六分在石門

寶慶丁亥重陽前一日□□□□錢元忠子才偕郡守

□□□□□□來遊男□純□□步行侍因成八十四

字刻於石

峭嶒亂石滿陵岡顏色蒼潤如琳琅神惻鬼□□□慘
牛眠虎跳深伏藏太湖靈壁不足數涪水□黍孰可方
剥苔剔蘚駭古刻諸賢□□騰光茫如此至寶豈易得
宜檄山靈護□□□□□□□□却恐六丁下取將

按汀州志錢元忠寶慶間通判軍州事此詩之作
正其時也石刻剝泐已甚僅可想像耳

蔡雋詩

石高二尺三寸廣一尺九寸四行行八字
七字不等行書徑二三寸在石門樟樹東

向來曾醉呼猿洞亂石穿雲擁坐隅誰料七閩煙瘴底

半巖風雨似西湖
口口口口口口

蔡雋題蒼玉洞詩其名已泐詩載省郡志及錦繡萬花谷攷其名知為雋詩也

右蒼玉洞宋人題名二十八段詩刻八段道光中東武劉燕庭觀察喜海守汀州曾搜剔而拓之縮摹一本刻入其金石苑然尚有譌誤者今輒隨筆正之洞在汀州府城東二里東禪寺前奇石森立有煙巖仙掌鶴巢抱雲諸勝題刻星布觀者目不暇給近聞亦漸有剝蝕者矣題名諸人有彼時官其地者而新舊通志及郡縣志均不載暈而校之

亦可以補其闕略焉

鼓山宋人題名七十八段

蘇舜元題名才翁二字篆書徑二尺年日楷書徑一尺在龍頭泉右

才翁慶厯丙戌季夏遊

右蘇才翁題名才翁名舜元子美之兄時提刑福建

邵節等題名正書徑二尺在靈源洞中

邵去華蘇才翁郭世濟蔡君謨慶厯丙戌孟秋八日遊靈源洞

右邵去華等四人題名蔡忠惠所書也徐勣榕陰

新檢云君謨靈源洞題名筆畫端重效魯公體大
勝洛陽橋記鼓山題刻宋代為盛而書法古雅絕
倫以君謨為第一又書忘歸石國師岩於靈源洞
左徑三尺許皆奇品也按邵去華名飾時為觀察
使郭世濟名承規君謨時知福州

黃子光等題名

正書在將
軍石左

黃子光劉仲達許景山黃子容劉漢巨慶厯丙戌九月
二十二日遊靈源洞

董淵等題名

篆書在靈
源洞對岩

董淵吳元卿慶厯戊子春同來

右董淵等二人題名淵時知長樂縣

開筓路井識

正書在羅漢
井邊石壁

僧惟善惟坦捨錢開井筓路井宋嘉祐二年中元丁酉
日志

施元長李宗孟題名

正書在靈源
洞石橋前

宛陵施元長陽夏李宗孟嘉祐五年十月三日同遊

按施元長宣城人天聖進士嘉祐三年由司封員
外郎任福建提刑李宗孟亦以嘉祐三年由內殿
承制任福建提刑攷文獻通考景德四年置諸路
提點刑獄公事以朝臣充之又為之副以武臣閣

門祇候以上充天聖六年悉罷明年二年復置嘉祐間議者謂武臣不可為監司罷之此題名在嘉祐五年猶文武提刑並列蓋在未議罷以前也

燕度題名

正書在靈源洞文左行

嘉祐辛丑歲七月十八日同寅僚遊鼓山登大頂峰憇靈源洞知福州燕度題通判錢昉權僉判宋球東川節度推官趙諮節度推官方子容觀察推官趙瑾

右燕度等題名度字唐卿益都人宋球酸棗人父守約任方子容字南圭莆田人皇祐五年進士按王敬美遊鼓山記云靈源洞橋左右勒遊人名

字多篆隸古雅可愛最前者宋嘉祐間知福州燕度偕其僚佐來遊字作蔡端明體即此是矣

燕度等題名

正書徑二尺在靈源洞口

燕唐卿施景仁

呂伯能等題名

正書在喝水巖右

建安呂伯能然明徐大方冲道弟大正得之熙甯辛亥歲仲夏二十五日同遊

案伯能慶曆六年進士時知閩縣大方大正俱甌甯人大方通判汀州大正隱北山時稱北山先生

孫覺等題名

正書徑一尺在忘歸石傍

莘老德孺景述元豐己未歲季秋戊子日同遊

案孫莘老時知福州

方宙等題名 正書在將軍石前

莆田方宙子正亡儀仲昭武吳表深幾道淮西潘師中

及之錢塘關景山彥瞻郡人張勸深道元祐己巳三月

廿日同遊鼓山靈源洞漱湧泉而歸

按方宙熙甯六年進士官轉運判官吳表深元豐

二年進士關景山關魯子張勸永福人以集英殿

學士知福州

錢公永等題名 行書在靈源口

錢公永雷子石潘及之管明善同遊靈源洞元祐四年

七月上休林公濟題

案公濟名積慶麻六年進士元祐間知福州

程遜彥等題名 正書徑八寸在靈源後

程遜彥三衢吳敷葉沃温陵許人朱敏元吳千元符庚

辰十月遊鼓山靈洞

案此石有殘闕葉沃時知安溪朱敏元字光道閩

縣人時知同安吳千元字無求閩縣人時知興化縣

僧有需開堂識 正書在大頂峯盤石上

大觀己丑仲秋丁酉需老開堂師座邀部使者俱至四

司僚佐預者六人公翼全叟君舉子震同登大頂峰
案有需莆田人大觀三年提刑陳覺民延主鼓山
四司者安撫轉運提刑市舶也

黃裳等題名

正書在將
軍石左

延平黃冕仲鄱陽齊亨仲武夷黃安仁政和甲午九月
廿五日同遊

案冕仲名裳時知福州亨仲名之禮元符中官監
察御史安仁名靜元豐五年進士任福建提舉

李綱等題名

正書在
石門左

昭武李綱伯紀邀華陽王仲藁豐甫建溪吳巖夫民瞻

臨川陳安節巽達淮海周靈運元仲遊鼓山靈源洞豐
甫之子昇叔明伯紀之弟經叔易綸季言甥張津子知
同來紹興元年五月二日

右李忠定公題名紹興元年公方罷相提舉洞霄
宮寓居福州故得徜徉巖壑越歲遂有觀文之命
出鎮荆湖矣

宗正倫等題名

篆書在
將軍石

金華宗正倫彭域顏廷玉濟南石嗣祖剡溪姚令威同
遊鼓山紹興乙丑孟夏十三日是日觀才老入院

案姚寬字令威嘗撰西溪叢語才老者僧本才字

佛心長溪姚氏子鼓山僧也

袁復一題名石門左

錫山袁復一太初自富沙如温陵道晉安東山登白雲峰訪臨滄亭盡覽海山之勝郡人張元幹仲宗安固邱鐸文時莆田余社中錫晉陵孫軒子輿同來太初仲子嘉猷侍紹興己巳十月戊辰丹陽蘇文津桴中題

案袁復一時為轉運判官邱鐸時知興化縣温州

人元幹坐送胡銓詞獲罪秦檜者

林魏老等題名正書在將

林魏老賈藏之方端立顏希稷俞馮老方翊之劉敷言

紹興辛未重九日同遊

吳巨濟等題名正書在石門左

紹興壬申上元後十二日吳巨濟段煥之用之汝舟許

德廣曹德廣同遊翌日還城

趙仲承等題名正書在將

趙仲承王則之幼度蔡德輝來遊紹興乙亥仲春中休

王叔濟題

沈調等題名正書在石門左

知郡事沈調知西外宗正事趙士衍帥司參議陳景副總管廖虞弼通判福州方賜黃軺帥司主管機宜文字

張云李迎幹辦公事張元成紹興戊寅清明前一日早
飯鼓山晚過聖泉為旦日之遊

案沈調歸安人政和二年進士趙士衍係宗子陳
杲字亨明候官人重和元年進士廖虞弼時同兵
馬鈐轄黃軹邵武人

汪若容等題名

正書在靈源洞前

新安汪若容正夫邵武李集之子翔秀之子實縉雲林
鉞伯仁吳越錢徽之君猷紹興戊寅夏四月晦日來遊
案若容歛人紹興五年進士官將作監丞集之福
建提刑幹辦秀之轉運幹辦皆忠定子徽之倣六

世孫端禮弟寓天台

魏之幹等題名

正書在石門

壽春魏之幹紹興辛巳清明前三日拉開封趙繼之鄭
圃孫昌言武陵莫琮仙都葉駒會稽姚嗣祖莆陽陳希
與同遊鼓山靈源洞魏僖侍叔趙公異待其親以行

案宋史宗室表繼之為廣陵郡王四世孫莫琮字
叔方仁和人為閩幕官

王之望題名

正書在靈源洞

乾道丁亥莫春廿三日余出郊觀稼勞田夫野老而訪
其疾苦遂至鼓山燒香供茶登臨滄亭而返男銖錚鑑

鈞孫淙侍行襄陽王瞻叔書

涪祐癸卯曾孫亞夫來此拂石

案瞻叔名之望時以端明殿學士知福州

陳知柔題名

隸書在靈源洞

陳休齋曾來涪熙丁酉中秋

案休齋名知柔字體仁晉江人紹興十二年進士

官賀州守與朱子善

朱子題名

正書在石門左

涪熙丁未晦翁來謁鼓山嗣公遊靈源遂登水靈亭有懷四川子直侍郎同遊者清漳王子合郡人陳膚仲潘

謙之黃子方僧端友

右朱文公題名時公方奉嗣家居是年七月辭江

西提刑之命故得優游登眺越歲則敦迫入對矣

子直為忠定趙公字忠定先曾帥閩寂與君善嘗

登茲山有江月天風之詠時方為四川制置使文

公撫景懷舊遂形之翰穎亦足見兩公契分之深

矣嗣公為僧元嗣王子合名遇時稱東淵先生陳

膚仲名孔碩有北山集潘謙之名柄時稱瓜山先

生皆文公門人也黃子方名琮莆田人元符三年

進士時知閩縣事

范機等題名

正書在石門左

延平范機武陵錢衢建安劉學古以慶元初禩中秋日來遊

案錢衢官建甯知縣劉學古為朱文公婿嘗宰臨桂

何澹等題名

正書在石門右

嘉泰壬戌重陽括蒼何澹約浚儀趙公迥金華楊潛修登高故事上天風海濤酌酒賦詩咸謂一時之勝恨未志諸石也越明年復以是日偕靜海施康年古汴趙公介來遊陰雲解剝風日和美極海山之壯觀撫泉石而

忘歸

按何澹字自然時知福州趙公迥時知宗正司潛潛任提刑趙公介官朝請大夫與公迥皆魏王廷

美六世孫

吳渙等題名

正書在靈源洞

開禧改元乙丑孟秋中澣十日閩尉延平吳渙奉父吳元肅同拉晉江石應孫來遊子振侍行石應孫書

案吳渙慶元五年進士石應孫淳熙十一年進士

與父大昌同榜

陳景仁等題名

隸書在靈源洞

開禧丙寅暮春陳景仁姪子愚子盈林該弟口調男絢
紀綽陳擇善李起渭潘昌孺挈家來遊

按景仁字春卿長樂人嘉定九年進士官朝請大
夫子愚字若愚嘉定四年進士知營道縣李起渭
字少望慶元五年進士

陳宓等題名

正書在靈源洞
左高巖之上

莆陽陳宓師復建安謝汲古深道黃應酉說之直德秀
景元清源留元剛茂潛以開禧丙寅五月三日同遊鼓
山靈源洞摩挲蒼巖縱覽奇觀誦浚儀相國之詩再瞻
晦菴先生遺墨慨然感興一酌而歸

案陳宓為正獻公子嘗從遊文公門謝汲古黃應
酉皆嘉泰二年進士真文忠時知福州留茂潛晉
江人與文忠同舉大科者浚儀相國謂趙忠定汝
愚也

吳中等題名

隸書在將
單右對壁

盱江吳中克明鄧峰蔣峴伯見來遊鼓山訪靈源憇湧
泉遂登石門覽天風海濤殊快心目嘉定甲戌七月二
十八日

崇蔣峴奉化人官殿中侍御史

周燦題名

正書在
石門左

嘉定丙子郡丞雪川周燦偶攝府事仲春旣望偕邑甯
東陽李大有永嘉國下

案通志職官福州通判無周燦名蓋佚之也李大
有字謙仲慶元二年進士

任惟明等題名

正書在喝
水巖左

嘉定癸未同年任惟明章卿一鳴登卿張如愚亦發趙
希豐寶卿涌夫滕叔陳應龍景雲趙汝僊聲叔游繼榮
莘甫曾公益誠叔卓杰舜咨彭寢牛耕道趙必僖友卿
會遊時甲申秋九月也

右十二人皆嘉定十六年進士任惟明一鳴張如

愚皆閩縣人希豐燕王德昭八世孫涌夫魏王廷
美七世孫汝僊漢王元佐七世孫必僖太宗九世
孫陳應龍候官人游繼榮曾公益均閩縣人彭寢
牛卓杰均懷安人

胡榘等題名

正書在
石門左

嘉定甲申春郡守胡榘仲方勸耕東郊竣事同至鼓山
與西宗趙師夏至道會盟飯於妙峯閣訪靈源洞度蹙
鼇橋瞻喝水巖探湧泉亭厯石門登天風海濤之榭臨
觀久之別駕沈柔孫明夫茂宰許之選叔仁陳宗道原
仲鄭宓謙仲與俱長老自鏡淪茗於半山亭中漏下二

刻乃還

右郡守胡榘題名榘廬陵人邦衡先生之孫以工部尚書知福州趙師夏燕王德昭七世孫時知西外宗正司事許之選臨川人開禧元年進士知懷安縣陳宗道晉江人鄭崇甯德人自鏡長老字枯禪長溪人

王居安等題名 正書在石門左

王居安越崇度徐澄寶慶丁亥仲春中澣遊靈源洞
案王居安字資道黃巖人時知福州趙崇度汝愚子時任市舶司提舉徐澄金華人

葉于之等題名 正書在龍頭泉觀音巖側

紹定己丑季秋括蒼葉于之姜行之同遊

方遇題名 正書在石門左

性山方遇時父紹定辛卯重陽日酌泉靈源

趙汝訓等題名 正書在靈源洞

浚儀趙汝訓領客邵武吳信古傅東吳天民黃旂鄧應炳端平丙申四月上澣同游次男崇禪侍

案趙汝訓時知連江縣黃旂甯化人寶祐元年進士

黃登等題名 正書在靈源洞石橋外

黃登方遇李田游明復端平丙申四月既望來遊摩巖
紀勝期與此山俱傳

安黃登字君陟候官人嘉定四年進士官南劍倅
游明復淳祐十年進士南劍人此題名前有隸書
無量壽佛四字徑二尺許或云唐徐寅書或云即

黃登所書今無從攷矣

周圭等題名

正書在石門

周圭趙希譙林勉翁王叔安叔泰樊淇倪龍輔潘自得
陳守謙周從龍王洧彭樵黃子俊林驥史自勉道士謝
頭道期而不至王允恭郭愿方涓孫王公埒陳容鄭碩

楊士勛潘公泳鄭怡公潘枋李根祖陳佃同登芳前遊
靈源分韻賦詩時嘉熙三年六月十一日

按趙希譙燕王德昭八世孫王允恭官邵武通判
方涓孫莆田人澄孫兄陳容字公儲福清人端平
二年進士鄭碩字膚叟閩縣人慶元五年進士通
判汀州潘枋字庭堅懷安人

王稼等題名

正書徑尺餘在龍頭泉

清源王稼吳穩郡人陳無競方遇林圓游明復董正李
振祖遊鼓山淳祐初元九日

按王稼晉江人遊陳北溪之門端平二年進士知

仙遊縣事李振祖字起翁閩縣人寶祐四年進士

張正子等題名

隸書徑八寸在靈源半岩

郡人張正子東川姚希得金華潘晞夔萬安鄭新劭峰高指泉山連端慙淳祐三年閏八月癸未遊靈源

按姚希得字逢源潼川人時通判福州連端慙時

任汀州判官

謝奕正等題名

正書在靈源洞橋前文左行

淳祐甲辰暮春上澣天台謝奕正九華章時發清江張一鳴長沙王睿同遊鼓山觀靈源

案章時發曾知惠州

謝安之題名

正書在靈源洞中

昭武謝安之體仁淳祐甲辰九月六日重遊靈源洞

楊選題名

正書在靈源前

淳祐甲辰重陽日郡別駕臨印楊選約長□□□□鄉僧德靜來遊鼓山之靈源洞男猷童□□□□行住山得融汲泉酌酒于此

趙與鑄題名

正書在靈源洞

會稽趙與鑄齊賢偕弟與鏞德口淳祐甲辰□□□□十日重遊鼓山靈源洞

按與鑄與鏞為燕王德昭九世孫

李鏞題名 正書在靈源菴前

眉山李鏞因祖考文簡公諱日挈二子淇□□□飯
僧遊靈源洞徜徉一日而歸時淳祐□□□庚午日
題

按李燾眉州人官敷文閣學士謚文簡

趙彥涓等題名 正書在靈源菴前

稽陰趙彥涓濟川莆田蘇薦與遜□□□□岳涪
祐乙巳後重陽一日遊于此

案彥涓為魏王廷美七世孫

王子壽等題名 正書在國師巖前

建安王子壽莆僧汴氏子安行之永人口廖孫伯安 下缺
以淳祐乙巳重九後一日同宏中守中口中遊

案原刻在喝水巖絕壁後石墜澗底

應虛等題名 正書在龍頭泉右

天台應虛茂博建安劉煥文子莆陽林彬之元質以淳
祐丙午寒食來遊

按劉煥時知甯化縣林彬之端平二年進士時官
福建常平司幹官

喻齋等題名 正書在喝水巖峭壁

嚴陵喻齋攜子慶孫遇通守真候館以淳祐丙午清明

前三日偕道山徐泰叔來遊因徧覽奇勝恭讀西山先生文忠公詩倚暮而歸

蘇溥等題名

正書在靈源洞左

龍江蘇溥景淵天水趙希性成已九華葉信厚李有委羽趙必奕叔弼古括蔡登元龍以淳祐丁未季春望前一日公幹同遊

案希性為燕王德昭八世孫必奕為漢王元佐九世孫

趙師畊題名

正書在石門石壁

趙師畊畔下淳祐丁未冬十有七日来遊

按師畊為燕王德昭七世孫知西外宗正又提舉常平茶鹽公事九日山亦有題名則守泉時所刻者

趙希袞等題名

正書在靈源洞左

淳祐丁未孟冬朔止泓趙希袞偕客王復陳士挺來遊子與諫與譁侍住山宗信僧顯輝智燈

案希袞燕王德昭八世孫時知南外宗正王復福甯人嘉熙二年進士

鄭思問等題名

正書在靈源洞左

淳祐丁未良月二十有六日古括鄭思問與同幕番陽

徐憲洪藏臨安郎伋客秦溪李光清來遊申孫滌孫侍
案洪藏時為汀州司法參軍鄭滌孫字景融景定
進士入元為集賢學士

鄭玠等題名

戊申之春二月既望莆田鄭玠與郡人潘昱伯林圓黃
循父林文子余應發唐大章劉應得飲別於此

案鄭玠時官福州教授林圓見淳祐元年題名戊
申則八年也

方克昌題名

正書在靈
源洞橋前

時淳祐戊申上巳之明日莆陽方克昌世蕃來遊姪覺

翁子義行義明侍

案方克昌嘉熙二年進士官永春縣丞

鄭宋等題名

正書在
靈源洞

郡人鄭宋同周圭王璞鄭自牧張潛方應澤劉自黃士
賡同遊靈源洞弟官甥上官晟子游侍淳祐戊申四月
既望

案鄭宋字伯亮長溪人紹定二年進士端明殿學
士王璞字器之長樂人紹定五年進士知潮州

樓治等題名

正書在
石門左

淳祐九年歲在己酉七月庚辰日秋房樓治與客張拔

何光大弟濡偕遊盡日湧泉亭上月明同詠而歸

崇樓治時提舉茶鹽

趙與遺等題名

趙與遺德遠與駒致遠與駿稱德與倬君茂黃邁節甫
林仍祖貫道王有鳳德說七人同登是山時淳祐已酉
重陽前六日稱德篆識之

案與遺與駒與駿與倬皆秦王德芳十世孫與駿

時知連江縣黃邁知永春縣

鄭仲路等題名

正書在靈源菴前

郡人鄭仲路吳起巖吳秀發葉亮祖吳季發鄭君老來

訪喝水巖同遊靈源洞時淳祐庚戌季春望

按仲路字文載閩縣人嘉定元年進士知連州起

巖閩縣人淳熙十六年鄉薦秀發字宗魯寶祐元

年進士季發字崇勤淳熙十六年鄉薦天章閣待

制皆起巖弟君老字邦壽長溪人咸淳四年進士

胡垓等題名

正書在石門左

寶祐五年秋八月壬寅胡垓及張元孫張經陳無咎楊
叔濟趙汝與時鋪黃大任高慶之張介然叩聞之王維
新會于靈源洞

按張經蘇州人端平二年進士先知候官縣繼提

舉常平茶司陳無咎福州人淳祐十年進士楊叔
濟字濟叔閩縣人寶祐四年進士趙汝與太宗次
子許王元僖七世孫寶慶二年進士趙時鋪字君
招魏王廷美八世孫嘉定十年正奏叩聞之福州
人淳祐十年進士王維新寶祐元年進士亦福州
人

趙與櫛題名 正書在靈源洞橋前

大宗與櫛觀蔡李朱趙書詩寶祐六年四月十三日
按與櫛為太祖十世孫蔡襄李綱朱子趙汝愚皆
有留刻在鼓山者

葉從龍題名 正書在靈源洞橋前

開慶改元仲春望日道菴葉從龍來遊

湯漢題名 正書在靈源洞磴前

鄱陽湯漢以使事過鼓山觀天風海濤之壯遂登大頂
峰盡得奇觀同遊者眉山宋輝上饒鄭日新長樂陳堅
潘夕卿開慶己未四月十三日住山普門立

按湯漢字伯紀安仁人景定五年以龍圖閣待制
知福州兼安撫使普門見鼓山志

王鎔等題名 正書在靈源洞橋前

景定癸亥仲夏王鎔景範陳仁玉惠公同遊靈源洞

按王鎔時知福州陳仁玉台州人曾著苗譜一卷
景定間提刑福建見劉後村集韓玉陽先生祠堂

記

常挺等題名

正書在靈源洞橋前

咸淳改元後中秋四日東軒常挺解溫陵印來遊此山
男清子侍自城來會者陳斗應林文重徐武叔至叔賓
叔國生林椿張以富林壯孫時趙希口王榮偕焉

按常挺字方叔號東軒連江人嘉熙二年進士知
泉州累官參政封合沙郡公陳斗應字上建候官
人寶慶二年進士官朝奉大夫林椿福州人寶祐

四年進士王榮建安人淳祐元年進士官清流主
簿

杜廡等題名

正書在靈源洞石磴下

咸淳乙丑中秋前五日杜廡黃公立高拱辰來遊

按黃公立字子卓邵武人寶祐四年進士

劉震孫題名

正書在靈源洞

劉震孫行部過此與客徐汝孔鍾文珍林起予郭玗來
游住山法琪咸淳二年二月八日

案劉震孫時為福建轉運使

林希逸等題名

正書在靈源洞石磴左

林希逸徐汝乙林拱辰趙必昂咸淳二年十月三日同游

案希逸字肅翁號庸齋福清人任福建簽書判官徐汝乙字伯東衢州人見烏石山題名林拱辰莆田人端平二年進士官朝奉郎趙必昂太宗子簡

王元份九世孫

陳穆題名

正書在石門左

咸淳己巳季秋于麓陳穆領親朋七人登劣巔趨靈源越歲庚午仲秋社後三日侍親為壽表林侶曾吳章孫魏崇節重來游子唐驥文麗周熊姪禹龜百鼇世宣中

甯中甥連人劉斐侍不期而復會者林明善

廖邦傑題名

正書在龍頭泉右

咸淳癸酉季春望日延予廖邦傑以度節行鄉部艤舟鼓山詣祝聖所申虎拜之恭因登大頂峰三山趙時油莆田鄭希點莆田葉煥合沙曾璫從住山正凝東山慧昌北山明鑑

按邦傑字懷英頃昌人時以師參攝軍事趙時油魏王廷美八世孫鄭希點咸淳元年進士官太學博士葉煥嘉定十三年進士正凝見鼓山志沙門傳

葺石窳題名

正書在湧泉寺後

白雲石窳自率金翔于隆興至咸淳再葺捐財守中

按今湧泉寺後山左右壁上尚有石窳數十丈

曹繼本題石

正書在石門以下無年月

開封曹繼本侍兄公弼同三山李澤卿陳塘洪魯卿柯

梁釋守如丙辰季冬十七日遊眺命子慈書

按柯梁長樂人元祐五年解首重和元年特奏名

此題丙辰不知為熙甯八年抑紹興六年也

周濱題名

正書在大頂峯盤石上

周濱曹中

缺

老潛洞丙戌九月二十日同至大頂峰

按鼓山志圓覺大師諱潛洞紹聖元年住持鼓山大觀三年示寂此題丙戌當為崇甯五年矣

柳元禮題名

正書在唱水岩左

柳元禮邀孫居易柯季忱李志遠張應和潘廓如同遊辛丑上元前七日

按柳約字元禮華亭人大觀三年進士官殿中侍

御史柯季忱名棐閩縣人李志遠名邁候官人潘

廓如名闢長樂人皆崇甯五年進士此題辛丑當

是宣和三年

陳珏題名

正書在靈源菴石壁

陳珏重来

按珏字君寶長樂人嘉定十年特奏名

閩中金石略卷第六

晉江陳榮仁鐵香

宋四

鼓山宋人詩刻十七段

邵去華詩

正書在靈源洞

慶曆丙戌秋邵去華宿鼓山寺

玉磬聲流夜闌寒天風吹送海門濤鶴來松頂雲歸後
人倚闌干月正高

案邵飾字去華別有題名

黃軫詩

正書在靈源洞

鼓山萬仞鬱岩堯東瞰滄溟勢轉高尺五去天摩象緯
三千擊水駭波濤携筇古洞凌蒼蘚瀾茗靈泉泛紫毛
暇日元戎追勝賞暫陪笑語釋塵勞
丞邵武黃軫從安撫待制沈公遊
紹興戊寅郡

案黃軫時官轉運判官安撫沈公謂沈調也闕通
志職官不收調名於安撫使內考文獻通考紹興
二十八年福州帥臣沈調言事新纂通志據以補
入得此題名更足為證蓋調實以知州兼安撫者
故通志僅列其名郡守也

趙汝愚詩

行書在石門左

紹熙辛亥九月二十日趙子直同林擇之姚宏甫來遊
崇憲崇範崇度侍待王子克林并伯不至
幾年奔走厭塵埃此日登臨亦快哉江月不隨流水去
天風直送海濤來故人契濶情何厚禪客飄零事已灰
堪嘆世人只如此危欄獨倚更徘徊

案趙子直名汝愚宋史有傳時知福州朱子嘗書
天風海濤四字於大頂峰即取此詩語崇憲崇範
崇度皆汝愚子崇憲字履常直秘閣崇度曾知邵
武軍事林擇之名用中古田人林并伯名成季甫
田人均朱門弟子

愚齋詩

行書在臨滄亭石筍上

靈洞有幽趣臨滄擅佳名我來坐久之猶懷不盡情
褰步翠麓危絕不可登豁然天地寬頓覺心目明
洋洋三江匯迢迢眾山橫清寒草木瘦翠蓋亦前陳
山僧好心事為我開此亭重游見翼然險道悉以平
會方有行役叩蜀萬里程徘徊更瞻眺斜日下雲屏
淳熙十三年正月四日愚齋

案臨滄亭亦名水雲亭此詩或疑為朱子作考朱子未嘗有愚齋之號又詩中云會方有行役叩蜀萬里程亦非生平遊跡所及鼓山舊志疑為趙汝

愚詩謂汝愚知福州以是年移官四川與詩語合又朱子鼓山題名有水雲亭懷四川子直侍郎之語更足為證然究亦未聞汝愚之號愚齋也

趙晉臣詩

正書在靈源橋前

登山心悅倍精神欲住山間未有因到道忘歸又歸去
白雲何不且留人

古汴趙晉臣將男鄧孫濤瀨拉徐錫之江會之來遊
賦以是詩慶元三禩中伏休務日

鄭昭先詩

正書在石門右

鼇頂雙峰障海流天開勝槩冠南州江流澄徹通河漢

梵宇高寒逼斗牛雲氣吐吞疑欲雨松陰蒙密不知秋
此山佳處應須記已辦青鞋約再遊
嘉定甲申閏
八月望日題鼓山靈源洞東鏡公堂頭老禪日湖鄭昭
先

案昭先字景紹閩縣人官參知政事謚文靖有日

湖遺稿

無名氏偈

正書在靈源菴後

掀翻靈源洞打破石門關袖取白雲去天風吹下山
住持融公不知箇甚麼宋淳祐木龍春仲望後一日待
鶴山韓準登劣削

案木龍當是甲辰歲融公謂沙門德融也

劉靈詩

正書在龍頭泉右

蒼藤石壁古招提應怪重來歲月遲江水湧流千古恨
山靈阿護一聯詩休論世事更棋局且對斜陽把酒卮
我輩登臨多感慨此情未許俗懷知
歲在淳祐丁未
之秋建州劉靈侍兄口口山二表同諸丈登石鼓酌湧
泉追憶舊遊恍如一日再獲拜觀文公先生外大祖書
趙公天風海濤之句感慨久之敬識小詩拂塵併簡住
山信和尚

案劉靈學古之孫朱子外曾孫也信和尚謂宗信

長老見鼓山志

鄭仁詩正書在靈源洞橋前

携檄來遊石鼓山島洲凝望有無間天根潮落海門出
洞口雲深月戶關名揭君謨椽筆健詩留子直翠珉斑
古靈更有碑三字劣崩須登莫倦還 淳祐戊申重陽

前一日新安鄭仁題住山宗信刻

案鄭仁歛人端平二年進士此詩第五句指蔡忠
惠題名六句指趙忠定詩七句指陳襄所書國師

巖三字也

徐錫之詩正書在石門

淳祐已酉年徐錫之題喝水巖

重巖複嶺鎖松關只欠泉聲入坐間我若當年侍師側
不教喝水過他山

案慶元三年趙晉臣詩刻有徐錫之當即一人

趙與滂詩正書在靈源洞

古磚出唐并豫識國師名于此坐禪處喝回流水聲如
何神晏塔移作李綱瑩見說山中水不平空自鳴淳祐
已酉閏二月清明閱安鎮官四明趙蔗境與滂題於白
雲亭石

紫鼓山志會昌中毀佛教材民於靈源洞旁鑿井

得一古磚上刻僧晏興法四字至忠懿王延神晏
住持湧泉寺法教大興其語遂應闕主延鈞加號
興聖國師嘗於山中誦經惡水聲喧聒叱使西流
今有喝水巖初葬桐口之沙溪至周顯德四年見
夢寺僧欲鍊鼓山乃徙塔於喝水巖宋時以沙溪
之地為李忠定賜墳即晏故塔處也此詩云如何
神晏塔移作李綱瑩直疑李氏豪奪不知晏之遷
葬已在百餘年前非公始徙也又舊志謂了宗
和尚葬國師塔舊址則葬忠定時所移者了宗非
神晏也與滂詩誤與滂字肖范秦王德芳九世孫

趙汝珣詩

正書在
靈源洞

暫携朱墨上崔巍興出煙雲眼界開無策使回流水去
有緣亦到鼓山來慚非方回狂司馬喜識僧中老辨才
自笑生平少閒適又驅俗駕入塵埃
瀉祐己酉九月
下澣郡丞古汴趙汝珣遊鼓山靈源洞

案汝珣太宗八世孫

釋痴絕詩

正書在
大頂峰

野徑斜連石澗旁草根呢呢語寒蟬郊原經雨多秋意
庭院無人自夕陽風捲暮雲歸碧嶂葉隨野水入寒塘
數家籬落楓林外枳殼垂青菊綻黃
瀉祐辛亥立春

後日釋痴絕

史季温詩

正書在龍頭泉左

上到瑤峰第幾間御風騎氣眇人寰天高陡覺星辰近
地迴偏饒日月閒去海茫茫疑十里望州隱隱見三山
武夷榜墨千年在任使重厓蘇字斑涪祐辛亥立春後
一日移漕建水挈家遊鼓山登小頂峰俯瞰山川城郭
如畫晚飲天風海濤蓋武夷翁舊題也留詩石間以紀
歲月眉山史季温子威父書

案史季温時任福建轉判官

鄭應開詩

正書在石門右

兩峰峻上半天開一水爭奔急雪來眺遠直疑滄海近
洞靈曲拗湧泉迴慨思南北江山異更陟嵯峨宇宙恢
眇眇愁余歌石鼓漫磨枯墨灑蒼苔枯山鄭應開偕同
舍即新盈之遊二子桂梅侍寶祐第一春二月五日

案新盈之字仲謙閩縣人紹定五年進士官朝議

大夫

張鎮初詩

草書在靈源菴對岩

咸淳丁卯八月十一日張鎮初遊鼓山同遊王剛仲子
濱泳侍

籠翎園裏著禪關頂有奇峰磴可攀上下乾坤大千界

東西陸海兩三山臨滄霧向風前解喝水泉因雨後潺
一宿迷躑山莫晒小窓經日對孱顏

趙希代詩

正書在靈源洞

尊者何年向此禪一聲喝斷水之源如何有許神通力
猶計當年寂與喧

古汴趙希代題喝水巖

案希代為秦王德芳八世孫

鼓山宋人榜書八段

蔡襄書二段

忘躑石

正書徑三尺在靈源洞左

國師巖

正書徑三尺在靈源洞

案徐渤榕陰新檢鼓山題刻以君謨為第一所書
忘歸石國師巖徑三尺許皆奇品也

陳襄書一段

國師巖

正書徑二尺在喝水巖底右壁

案宋鄭仁遊鼓山詩古靈更有碑三字即指此

施元長書一段

喝水巖 嘉祐辛丑歲施元長題

案元長宣城人字景仁時提點刑獄

朱文公書一段

天風海濤徑尺許在大

案趙汝愚鼓山詩江月不隨流水去天風直送海

濤來朱子蓋取此舟鉛總錄謂今人不知為趙公

詩榕陰新檢又譏升菴不知此詩此書在鼓山可

發一笑其說正如蟬螳雀彈互議其後不直捧腹

無名氏書三段

無量壽佛隸書徑尺餘無款

壽正書徑一尺又餘在唱水岩俗傳朱子書

蔗境正書徑一尺在龍頭泉左

湧泉亭柱有蔗境詩石有蔗境字皆不題名氏四明

趙與滂肖范見此有感題曰詩題蔗境不題名墨跡

懸巖碧蘚平游宦來看心忽悟前身應是趙先生正書

與蔗境二字相連

案與滂亦號蔗境故云

烏石山宋人詩刻十一段慶曆至淳祐摩崖高廣不等在福州府城內

王遠薛老峰詩正書在觀音岩右

薛老峰詩尚書祠部員外郎知軍州事王遠

薛老峰三字雕鐫從渾元偶留青草徑合在紫薇垣梵

刹方臨兌闔州地占坤諸任推族重絳縣讓平尊頭角

龍蛇起精神虎豹蹲如銘口口石疑署翟公門妙絕非

人力侵凌斷鮮痕詎憂魚魯敝聊記姓名存筆塚傳衣
鉢詞山列子孫乘閒玩奇跡到即爽吟魂慶厓口年冬
十二月林口勒石

案王達濮陽人天禧三年進士慶厓二年由池州
移知福州薛老峰者閩書云唐薛逢為侯官令創

亭其側人因書其峰曰薛老云

程師孟張徽宿猿洞唱和詩四首

正書在洞
前南面

伯常仲謨會宿猿洞 師孟

雙榻和雲宿翠屏夢魂千萬到仙扁還教畫手添新意
一簇林猿伴二星

徽和

月上高臺雲滿屏洞門休喚夕猿扁魏冠不整跣趺坐
秋楮班斲數點星

宿宿猿洞

徽

洞天虛寂翠屏欹心跡蕭然萬物齊無奈宿猿嫌宿客
夜深猶擁亂雲啼

師孟和時仲謨
同宿

更深應是枕雙欹思得皋夔事業齊終為清時難退隱
出山甘被百禽啼

程師孟宿猿洞詩

正書在洞
側西面

書湛仲謨宿猿洞

永感無心戀搢紳十年不起卧龍身一朝黃紙除書下
八郡衣冠盡望塵

熙甯元年十一月知福州程師孟

程師孟張徽沈紳宿猿洞唱和詩

正書在洞
側西面

正旦會宿猿洞

主奉運使度支提刑郎中運判郎中

提刑供備師孟

夜半春歸曉始驚鬱然佳氣入山亭千門喜慶逢元日
一座光華聚使星難得同時傳壽斝合將新事作詩屏
啼猿似向遊人道洞戶而今盡不扃

徽和

入山休顧曉猿驚壽酒交持石外亭刺史尊崇上卿月
主人嫻雅少微星幾因避雨投松蓋屢為障風夾檜屏
笑語林猿能解意往來應不限巖扃

運判紳和

曉來人語口口驚空有三元口口亭凍酒點唇浮白蟻
穠桃迷眼落紅星地名小酉神仙窟天設湘陰水墨屏
醞藉口夸洞庭記移文休勒北山扃

又師孟詩二首

正書在洞
後北面

宿猿洞餞仲謨

洞口車輪欲去時江山風物動光輝不須黃鶴相驚怨
自是君王未放歸

書仲謨先塋功德院

高門餘慶本光山不幸流離五代間今日太平家可樂
即君富貴錦衣還

熙甯二年八月知州事程師孟

張徽宿猿洞詩

正書在洞南

書湛仲謨宿猿洞

苒苒城蕪披野花山中朝夕起雲霞憑誰遍檢圖經看
洞宿寒猿今幾家

熙甯二年八月權轉運使張徽

宿猿洞詩刻五段凡十一首熙甯中閩縣湛俞隱

居是洞郡守程師孟高其節常率僚屬運使張徽

運判沈紳諸人往還酬和題中所稱伯常仲謨者

俞與徽之表德也

黃軺詩

正書在霹靂岩

烏石山山口口臣靈搜恠石撐突倚山巔口口羣羊伏昂
昂萬馬聯何年現蓬島終古鎮桑田拱揖闕王宅東隅
有九僊紹興丁丑中秋前五日州治中昭武黃軺題男
口口捧硯

案黃軫時通判福州

趙公廡詩

行書在霹靂岩

箇裏靈之處、通本無來往與西東臨行一句如何會
烏石山頭撞曉鐘 嗣老禪師乃宗人德莊道契竭來
三山與之定交硬豎脊梁真衲子中鐵漢也將別書于
石簡壬寅溈熙九禩八月一日忍菴趙公廡

李圖南詩

正書在古臺里石壁上

疊石差我接斗魁登臨疑是小蓬萊它時穩步丹霄去
也道雲遊到此來肯嘉定登西燈口后十有一日廬陵
自然居士李圖南來遊是山登眺既畢小憩於斯軒口
上人淪茗聚話談論風生亦足以洗塵襟而慰牢落也
因成廿八字是時小兒如圭以帥屬之使長於富沙未
返從遊不及惟旂克二孫侍行

案李如圭字寶之溈熙中曾官福建撫諭所著儀

禮釋宮或誤編入朱子文集中

趙希道詩

前題名正書後詩行書在霹靂岩

趙成已克一唯伯頴叔溈祐甲辰日南至之九日同來
石中題歲月聊紀此時遊寄語啞頭老能令不朽不呈
和尚禪師汴趙希道唯伯書

案詩中書此字作世蓋變體也希道見題

趙崇煥殘詩

正書在霹靂岩

四明趙崇煥志道與天台于大任仁叔揚景清明叔于
泰安道偕行二子必學必口待後長子口口冠就成口
號口口口口口口口霹靂破巖口口口口口口口
向道山興上

烏石山宋人題名四十七段 皇祐至咸淳

李上交題名

正書在霹靂岩

本朝祀明堂之來年人日假福唐守李上交遊於此男
新監廬陵元規孫試匠簿詵待行

案宗史皇祐二年秋九月大享天地於明堂蓋自

太祖以來惟命有司攝事是歲始詔詳定儀注親
舉隆儀以大慶殿為明堂禮如圜丘大赦百官皆
進秩蓋非常盛典繫其事即知為某年也李上交

知福州攷圖經即皇祐二年

師秉等題名二段

正書在僕頭石

師秉仲嘏藏之紹先蒙伯皇祐庚寅歲仲春七日遊

又 正書在李石

師秉仲嘏藏之紹先蒙伯庚寅仲春七日遊烏石山

案蒙伯為劉弈字奕天聖八年進士終潤州通判

程公闢等題名 正書在華嚴岩

程公闢陳述古沈公儀湛仲謨劉執中杜伯通馬損之
熙甯元年冬遊

案公闢名師孟時知福州述古名裏海濱四先生
之一公儀名紳時為運判仲謨名俞閩縣人隱此
山宿猿洞徐氏筆精云陳述古書法在蔡君謨右
學柳誠懸酷肖也烏石山平遠臺鼓山卧龍俱有
題名皆徑五寸鮮有知其妙者

蔣之奇張徽題名

正書在鄰霄臺

熙甯辛亥六月晦蔣之奇穎叔張徽伯常登烏石絕頂
案之奇宜興人初歐陽永叔建濮議之奇附之以

得官後憚於眾論乃劾永叔以闇昧事中書問狀
無實貶官熙甯中新法行遷為福建運判烏石之
遊蓋即其時張徽時為運使實同僚云

張汝賢等題名

正書在山麓

尚書右司郎中張汝賢按察福建元豐乙丑孟冬二十
一日與朝議大夫轉運副使陳紘朝議大夫知福州謝
卿材承議郎轉運判官蔣續宣義郎按察司管勾文字
王砮會議長樂臺

江煒等題名

正書在天香臺

江煒仲文上官敦復存中鄭叔僑子政毛勉德懋關景

山彥瞻同遊神光寺登道山亭元祐己巳三月晦

柯述等題名二段

正書在
天香臺

元祐五年八月二十二日府帥溫陵柯公率東陽陳愷
朱崧胡章莆陽鄭令卿陳覺民許國括蒼榮之表會稽
高象關景山建安熊浚明桐川沈憑溫陵許穀楊璞王
裕民同遊神光寺會于道山亭

案柯公名述字仲常晉江人官終朝議大夫直龍
圖閣其倅漳日以賑饑得民感異鵲棲其廳事東
坡曾紀以詩此遊蓋知福州時也

又

正書在
望潮峯

柯仲常祖夷仲王若愚曹子方鄧仲告陳濟翁潘及之
元祐庚午十二月初四日遊神光寺

案潘及之名師中淮西人見鼓山題名

王若愚等題名

篆書在
枕石

王若愚陳彥聖文安國紹聖甲戌季夏望日遊

案是篆徑一尺六寸其大贏於李監般若臺題名
然結構勻整似作烏絲格子者其去陽冰不可以
由旬計也若愚名祖道閩縣人治平進士歷官刑
部尚書

黃思道等題名

正書在
季石

黃思道溫禹弼紹聖四年八月二十八日遊神光寺登鄰霄臺

江公著等題名

正書在冲天臺

桐廬江公著晦叔池陽檀宗旦之美三衢吳亮君永鄱陽程遵彥之邵同遊神光寺登道山亭元符三年十月十七日

案公著等四人有于山題名為三年十月十八日蓋後此遊一日也彼題官闕此書字貫亦互文以見義耳諸人均見通志

畢之進題名

行書在清塵岩

之進被召遠仲約會仁王寺之橫山樓食罷登致養亭觀薛老峰啜茶于道山亭過南澗寺祖師閣少休以歸時崇甯乙酉仲夏十有四日

案之進為畢漸字潛江人紹聖元年第一人及第崇甯二年以承議郎提點福建刑獄乙酉則四年也代其任者為喬世材

智叔等題名

行書在天王廟

智叔時甫口口口遊口口游侍行崇甯四年九月七日

喬世材等題名

行書在清塵岩

崇甯五年二月癸酉提點刑獄喬世材提舉學事朱英

知郡事葉棣同遊烏石山諸寺會食橫山閣晚歸

案宋史職官志崇甯二年諸路置提舉學事宣和三年罷福建新通志僅列陳汝錫一人朱英則未之載也喬世材葉棣均見通志職官

黃琚等題名

正書在天香臺在

宣和甲辰季秋晦日延平黃琚處中邀葉唐文彥質雲

間柳綽寬夫邵武黃沂原勇郡人鄭昂尚明弟改武子

全遊

案黃琚時通判福州軍事

鄭尚明題名

草書在清塵岩

鄭尚明同羽人佳妙口口口口試茶於三笑巖

案尚明名昂宣和中三山人

嗣濮王仲湜題名

正書在蟠桃塢

建炎庚戌正月二日因禮神光寶塔遍遊烏石精藍乘

興造西禪歷覽勝概而歸男士街士術士衍士程妖士

賄婿廖虞弼侍行皇叔祖少傅開府嗣王仲湜巨源書

案宋史仲湜為濮安懿王孫楚榮王宗輔子嗣濮

王仲理薨眾推為嗣紹興初移西外宗正于福州

命兼判大宗正事子五人士從士街士錢士衍士

歌此題有士術士程而無士錢士歌其為更名或

為史誤俱不可知姪字見集韻此遊在建炎中其時尚未授西外宗正或避地先至閩也宋史宗室表多誤似當以石刻為正

孟庾等題名

正書在霹靂岩

叅知政事孟庾宣撫閩部按視城守回邀嗣濮王仲湜資政殿大學士李綱龍圖閣直學士許份顯謨閣侍制王仲巖監察御史福建撫諭胡世將集英殿修撰知福州事程邁前右正言鄧肅叅議官尚書屯田員外郎李易機宜朝散朗胡紡幹辦公事直秘閣馬咸承議郎鄭士彥會於烏石山之長樂臺瑞雲庵紹興壬子正月二

十一日

案宋史高宗紀紹興元年十月以孟庾叅知政事范汝為復叛入建州十一月以庾為福建江西荆湖宣撫使副以韓世忠詩之二年正月世忠拔建州汝為自焚死餘黨悉平又續宋元綱目世忠初欲盡誅建民李綱自福州馳見世忠止之民感更生又李綱傳張浚劾綱以私意殺侍從且論買馬招軍之罪罷為觀文殿大學士提舉洞霄宮紹興二年二月復除湖廣宣撫使兼知潭州此題名蓋即奉祠寓居福州時事也許份字子大閩縣人崇

甯二年進士累官龍圖閣學士宋史附名其父將
傳王仲疑字豐甫華陽人見李忠定鼓山題名胡
世將晉陵人宋史本傳云字承公與兄唐老同登
進士范汝為寇閩以為監察御史福建路撫諭使
賊平遷右司員外郎程邁字晉道黟縣人官閩多
治績自有題名見後鄧肅字志宏沙縣人宋史本
傳謂紹興二年避寇福唐正此時也考職官志宣
撫使不常置以二府大臣充副使掌貳使事有不
置使而置副亦有身為正使兼領副使其屬有參
謀官參議官機宜幹辦公事此題名若李易胡紡

馬咸鄭士彥皆其僚佐也

潘正夫題名

正書在
霹靂岩

靖康之間金人犯闕二聖北遷逮建炎中興天子受命
吳國長公主始至睢陽明年寇淮甸遂浮江而南避於
錢塘車駕幸建康還復入覲繼適江表會胡騎奄至循
贛水走湘湖瀕南海而達閩川館於福唐之神光因登
烏石山觀李陽冰篆乃得古人之遺意越五日而赴行
在所男長卿粹卿端卿溫卿侍紹興二年仲春十三日
河南潘正夫題

案宋史吳國長公主哲宗女出降潘正夫子溫卿

長卿端卿清卿墨卿才卿凡六人與此序次不同
亦無粹卿之名疑史有誤

程邁等題名

正書在
桃石

紹興壬子仲秋新安程邁晉道東萊徐宇持志東武侯
懋仲勉吳興劉嶠仲高同登烏石山徧游諸刹主僧摩
巖以待時貪過九仙訪三十三奇未暇留字晉道還朝
既迫季秋七日約復來道山亭是日天氣澄爽置酒高
會以極登覽之勝悵念艱虞以來盍簪之樂曾不易得
蓋重於此作別云

案程邁以建炎四年知福州兼安撫使徐字侯懋

皆轉運判官劉嶠歸安人紹興二年以直徽猷閣
提刑福建九仙山亦有邁等四人題名蓋同一時
也

葉宋穎等題名

篆書在石夾廟西
每行五字文左行

建安葉宋穎張播彭延平羅宗禮紹興乙丑歲長至後
一日同遊

向彥績等題名

正書在
霹靂岩

向彥績薛國老深仲士龍王嗣廉石伯元來遊神光登
烏石山訪三十三奇由致養亭以歸紹興乙丑冬中之
閏十八日覺師同至

陳休齋題名

隸書在天章臺

陳休齋曾來 淳熙丙申秋

案休齋知柔號

梁叔子等題名

正書在霹靂岩

清源梁叔子會同年於道山亭長樂黃雲翼林季謙商元質林行父高子雲阮夢得楊似之鮑明之高平叔林正父永嘉陳清伯李致堯浚水趙希尹淳熙庚子中春

六日

案宋史梁克家傳字叔子泉州晉江人紹興三十年廷試第一歷官右丞相兼樞密使乾道九年罷

相淳熙八年起知福州九年復拜右丞相考福州志載克家以六年知福州樓鑰撰陳止齋墓碑云公通判福州師相梁克家得公甚喜委之以政時淳熙七年也此題名為淳熙庚子實淳熙七年公已在福州則作六年任者是也宋史謂八年起知福州誤矣是會皆公同年多福州人曰長樂者福州曾為長樂郡也

趙子直朱文公題名

正書在桃石

趙子直朱仲晦淳熙癸卯仲冬丙子同登

案福建舊通志朱子避偽學禁入福州汝愚適守

郡常同登烏石山鐫年月姓名於石新纂通志辨其誤謂子直以淳熙九年知福州紹熙元年再任二年被召而考亭學禁在慶元二年舊志所言與史不合夷考宋史淳熙十年陳賈請禁偽學文公以去年乞祠是年正月差主管台州崇道觀杜門不出是偽學之禁雖行於慶元而陳賈之疏實出於淳熙則言公避謗入福州亦不得糾其誤也

鄧漢卿等題名

正書在桃石

盱川鄧漢卿須城張孝則古鄧豐象之紹熙改元上已後三日來遊

鄭自成等題名

正書在石天東

嘉定改元上既更化鄭自誠孫德輿黃桂聯冠進士第於是同年陳道卿曾夢得林少從鄧復葉崇趙汝誠鄭斯立黃順卿徐範趙汝寵周霖陳子是陳有聲許應龍黃燮陳時舉趙必興楊公衍陳震趙繇夫高子昇趙彥伋鄭闡珍朱伯旻趙縝夫口經夫趙宗萃任一震陳元震趙彥佺呂仲冬戊戌會之于道山刻石鄰霄以誌吾閩之盛開封鄭損以鄉進士預焉合沙刻石陳全

案是科及第三人皆福建人候官鄭自誠第一人福清孫德輿第二人候官黃桂第三人其來會題

名者又三十三人同年而未與會未題名者尚有
二十五人皆福州籍也自誠字性之後避理宗舊
名以字行官終觀文殿學士謚文定其曰更化者
蓋上年誅韓侂胄盡反紹定以來侂胄之政和議
既成改元更始也

沈如愚等題名

正書在天
章臺側

庚戌同年在三山者金華沈如愚元發昭武黃靜夫體
仁四明林維孝叔全玉牒趙崇憲安伯崇復仁翁偕是
邦陳子堅子正李熹晉老曾準正叔黃刁鈞可高惟月
明之潘景伯仰之序拜於道山舉酒相屬從容權洽自
期集迨今歲月飄忽如許各天一涯無繇合并茲會凡
十有一人是可識也昔嘉定五年壬申正月五日

韓元豹等題名

正書在
杏臺巽

頴川韓元豹德文浚儀趙崇復仁翁延平余談原中廬
陵周必賢君舉上饒周肆口輔暇日把酒道山小憩竹
石之下坐待月華一笑而去僧妙觀同游昔嘉定壬申
陽復前七日

蔡荃等題名

正書在
蟠桃塢

東嘉蔡荃簡策沈因謝有大郡人林能千嘉定甲戌十
月望前一日來遊

劉輔之等題名

正書在道
山亭側

錢塘劉輔之姑蘇李明仲浚儀趙德穎金華葉明中富
沙丘敬之錢塘岳之茂溫陵蘇元中永嘉林道甫以嘉
定丁丑重陽前一日來遊

詹又民題名

正書在
霹靂岩

嘉定甲申夏四月郡丞桐江詹又民敬叔召上幹之暇
登平遠臺陟石搏山訪九仙遺跡出通仙門得支徑至
楔遊堂觀南湖入甯越門上烏石山憩於道山亭於時
積雨初霽氣象清明四山環抱如列屏障而是亭左右
大石特立巨木交蔭悠然遠覽南臺江中風帆浪舶歷

歷可數前則田疇廣衍後則屋宇參差登臨之勝景物
之繁軒豁呈露不待搜剔而盡見之已而夕陽西墜雲
烟杳靄恍覺身在蓬瀛間充然若有得也然視事已八
閱月始克來此汨沒吏塵寸步千里未知再遊復在何
日薄暮而歸徘徊甚久摩挲石下刻以誌之兄子容子
好敏侍行

案又民蓋通判福州者地志未載

王簡卿等題名

正書在
霹靂岩

王簡卿趙履節徐清伯寶慶丁亥仲秋下幹同遊烏石
山寺

胡伯量等題名正書在
枕石

廬山胡伯量番易夏季起李增卿紹定辛卯重九日登

鄰霄臺

汪彥等題名正書在
天章臺

四明汪彥頌客浚儀趙崇賓四明夏興邦范炳金華趙
希洪永嘉朱景彝豫章黃伯葵莆田顧孺傑同遊道山
兒之道待行肯紹定辛卯仲冬朔日

項顥等題名正書在
鄰霄臺

端平二年四月五日延津項顥邗城張蘊靜海姚琪天
台趙汝孖永嘉范昌世建安游孝嚴四明夏興邦金華

趙希洪會稽唐慶遠怡山鄭逢年同登烏石山

周自介等題名正書在
天章臺

周自介趙宗潔詹攀鱗陳瀄祖黃鎮周瀄祐改元九日
登道山

趙希哀等題名隸書在
天章臺

瀄祐丁未良月望後九日止泓趙希哀偕客楊煥鄭果
之陳士挺趙孟口來遊子與諫與譚侍住山紹隣

案希哀時任南外宗正通志有傳

史季温等題名隸書在
霹靂岩

瀄祐十年秋先重陽十日眉山史季温與建張毅然甫

趙時願會於道山亭杯茶清話不減登高之樂

案李温字子威由轉運判官提刑福建

趙希濬等浚河題名

一分書在霹靂岩下

淳祐十年九月柯山趙希濬鄒甫趙時願休叢桂衢徐士口督浚河之役凡八百三十丈旬日竣事會兩司屬僚觀焉是日風高氣清太守宴而眾賓懽因識道山亭之石口事黃循父敬書

案希濬字無垢燕懿王德昭裔孫淳祐十年以秘閣修撰知福州帶安撫使前帥陳塏既濬內河希濬復濬外河修廣倍焉題名所言即此事也

陳傳口等題名

正書在天章臺

景定癸亥仲秋望天台陳傳口陳口口郡人林元王剛中陳口鄭履正王安口住山師譚同來

王鎔等題名

正書在桃石

王鎔趙希代陳仁玉癸亥九日遊道山

案三人履系均已見鼓山題名詩刻

趙希代等題名

正書在霹靂岩

咸淳丙寅孟陬六日浙之東游宦於閩者會拜道山謹履端也邊豆有楚威儀孔時宗藩主人揚解語曰官無崇庠各有職業歲既更始益懋爾圖能無愧明德新民

之口則豈但扮里重將為天下重盍留氏名以觀厥後
可乎眾唯唯遂以齒書天台趙希代孟能呂必延壽道
四明趙若惠君錫金華唐燦潛父杜潛叔起永嘉黃禹
錫元功三衢徐汝乙伯東天台張口口口永嘉林鏗夫
聲遠天台徐柏悅之永嘉口口口口括蒼鮑志及時
中永嘉蔡申顯伯口口鄉恕齋吳公聞而致饋以光斯
集

案希代為秦王德芳八世孫禹錫知莆田縣

趙若遂等題名

正書在
霹靂岩

咸淳天子親郊之歲九江吳公實師閩江東西之仕于

閩者趙若遂范宜損趙必岳繆君珪章魁孫邵斗陳松
以正月癸卯會拜于道山堂序列以齒

案宋史度宗紀咸淳三年正月己丑朔祀南郊蓋
免喪而後行大祀不越紼也此云親郊是其時矣
九江吳公未著其名曰帥閩則安撫使也然考通
志職官咸淳中無吳姓任安撫者惟知福州有吳
草實在其時福守多帶安撫之職吳公其即草歟
趙若遂已下地志亦未登趙必岳簡王九世孫

陳淳祖等題名

正書在
道山亭

咸淳三年春正月十有二日繡衣使者永嘉陳淳祖唯

道會淞東之仕於福唐者序拜道山永嘉陳懋欽堯俞
金華唐爍潛父四明趙若惠君錫永嘉黃禹錫元功三
衢徐汝乙伯東留夢發彥和金華呂守之悅善永嘉丁
一鳳景陽朱士可起予陳子崇居廣張公輔良弼林潭
叔源括蒼劉夢龍夔口會稽董回孫景淵永嘉蔡申顯
伯連帥九江吳公以饋至

右題名三段皆咸淳三年江東西之宦閩者履端
團集勒石以紀者也彼時敵烽日逼宗地區區如
斗大蜀遠粵瘴均視閩為極樂境小朝廷姪皇帝
方縮首銷金鍋半閒老人且以金籠蟋蟀當平章

軍國重事曾未轉瞬襄陽礮聲已盈羣耳朝端如
此宜乎在外者以宴集為修省也趙若遂等一段
凡七人合豫章浙右而書者趙希代等一段凡十
四人陳淳祖等一段凡十六人再見者四人實十
二人則皆浙產也稽諸志乘覈其名位若存若亡
未造經制大抵如斯為之一喟

池師曾等題名

正書在
霹靂岩

咸淳戊辰正月六日閩之同官池師曾廖時脩林拱辰
趙崇錡呂大奎舒文舉趙時錡莊彌高方景傳風師靖
陳舉龍楊思謙陳松翁燧真同祖游義遠序拜於道山

亭時陽巖洪公帥鄉部以饋至約而不至者黃裳趙若

林應龍鄭文龍謝舉

鄭文龍等題名 正書在霹靂岩

咸淳己巳正月七日三山鄭文龍建安舒文舉廖時脩

清源連端懋三山趙崇鎔延平廖邦傑清源劉鎮莆陽

劉強甫建安趙崇世口陽方景傳建安夙師靖三山口

口清源曾于善莆陽趙若璫清漳楊思謙序拜于道山

堂肯陽巖先生洪公帥鄉部以饋來期不至者清源趙

崇郭建安翁燧

右題名二段則咸淳二年五年閩人仕閩者期集

所鐫也攷宋史洪天錫傳字君疇晉江人度宗立

名為侍御史命知潭州改漳州皆辭詔以顯文閣

侍制知福州領安撫使者志職官不載何年知福

州據此蓋咸淳四年也陽巖天錫自號二會除復

見者凡二十四人

烏石山宋人榜書七段

米芾書一段

第一山 行書三尺
在鱗次臺

米芾書 行書
二寸

案此書由他處摹來者雖屬傳刻究係宋人之筆

其摹者則不知何時矣

程師孟篆書三段

宿猿洞 徑二尺在冲天臺寸在東牽道山亭蟠挑場

右皆程師孟篆書雖未署名而前志指為所書當

有據

朱子書二段

石室清隱 正書晦翁賢石室池上一寸在先

光風霽月 草書晦翁道山祠壁

疑刻三段

福 正書大開禧丁卯正月郡人張元簡字旁在觀音岩

右福字俗傳為朱子書又或疑為張元簡書莫能明也烏石擘窠之刻觸目如疥既無年款不可臆定故不錄

光祿吟臺 二行篆書徑三尺餘

右篆書二段前段有隸款二行云明嘉靖十四年

孟冬吉旦闕石居士 下闕 宋嘉定十二年仲秋望日

提刑知州事程師孟書後段有隸款云雪樓程師

孟書案師孟以熙甯元年知福州而此題嘉定十

二年書其相去已一百六十餘年有是理乎考省

志熙甯三年程師孟以光祿卿知郡觴詠於此寺

僧為鐫光祿吟臺四字於石師孟有詩云永日清
陰喜獨來野僧題石作吟臺無詩可比顏光祿每
憶登臨卻自回則此四字蓋當日僧人所刻非師
孟自書也至雪樓則元程鉅夫之號合二人為一
更足捧腹蓋明時不學之徒添勒其款以欺人者
而不知其繆戾之甚也今附錄之而辨其誤於此

閩中金石略卷第七

晉江陳榮仁鐵香

宋五

莫兼達夫巖題名

達夫巖三 大字每字徑五尺其下題名五行
行一十七字正書徑八寸餘在同安大輪山

達夫巖

皇祐庚寅季夏乙酉莫兼達夫張士宗元卿黃宗曾希
聖陳統總之薛頴士之材林鑄成之錢城子重宋溥君
覃揚久中景常遊興教寺北巖院越明日王儀子正至
諸君並一時賢者傾蓋於是故紀其盛而以令字名巖

莫兼皇祐間令同安題名刻石壁上興教寺今為
梵天寺中有巨銅鐘冶成心經一部為洪武二十
二年所鑄別有戰龍松極目等字傳為朱子書因
無年月名識故不錄

集慶寺鐵井闌記

闌圍一丈一尺一面徑三尺七寸高
二尺二尺隸書在浦城集慶寺

大宋至和改元歲次甲午十二月丁丑臘十九戊申日
弟子黃光並弟恕弟高弟度同發虔誠抽淨財備鑄
鐵井闌一口捨在門市義井乞薦先祖章氏六娘口魂
超生淨界謹題勸緣口街行者口口口義井第四口口

人王口鎬記

此記曾見舊拓本嘗才廣文莊君訪搨據云甲子
兵燹之後已不存矣

萬安橋記

碑兩石各高一丈一尺四寸廣五尺
六寸十二行行十三字正書在晉江

泉州萬安渡石橋始造於皇祐五年四月庚寅以嘉祐
四年十二月辛未訖功察趾于淵醜水為四十七道梁
空以行其長三千六百尺廣丈有五尺翼以扶欄如其
長之數而兩之靡金錢一千四百萬求諸施者渡寶支
海去舟而徒易危而安民莫不利職其事盧錫王寔許

忠浮圖義波宗善等十有五人既成太守莆陽蔡襄為
之合樂讌飲而落之明年秋蒙

召還京道絲是

出因紀所作勒于岸左

曾孫奉議郎直秘閣提舉福建路市舶賜緋魚袋桓立石 福唐上官石鐫

碑雄偉迥麗為中興頌宗子然洛溪片石鏡洗失
真非復魯公真面得此彌可珍耳

橋在宋為巨險今則沙土填淤礪石齒齒可數矣
橋有夏將軍廟者相傳造橋時水大不可趾忠
惠命隸夏得海邊檄海神神書醋字示之公曰神
其令我廿一日酉時興工乎及期潮不至基遂成

今案記中云始造於皇祐五年四月庚寅其時公
方知制誥未嘗至泉樹址築基皆不及見其非公
事明矣明史載是事於蔡錫傳然明人與錫時代
相近談及此事均歸忠惠又不可解

金石萃編謂橋又名洛陽不知何所取義攷圖經
傳唐宣宗微行至此見江山之勝嘆曰此地大類
我洛陽因是得名然歐陽四門已有洛陽亭送別

詩豈肅代之世預知有宣宗語邪

九域志作樂洋

皇宗書錄曰蔡公萬安石橋記大字刻石最佳字
徑一尺氣壓中興摩崖知此碑宋時已重之

又按橋船於皇祐五年時忠惠方以起居舍人知制誥是年權禮部貢舉越歲為至和元年以龍圖閣直學士知開封府二年得知泉州之命六月至

雍邱見集見長子九月至杭州見集中杭州三年

案是年九月改元嘉祐或稱嘉祐元年或稱至和元年蓋仍未改元嘉祐集及歐集皆作至和三年以前文及乞依舊知泉州二月初七赴泉州任及乞依舊知泉州

狀閏三月詔移知福州見閩書及集中泉見集中八月初四日赴福州任見集中嘉祐

三年再知泉州七月初一赴任見集中謝五年秋召拜翰林學士權三司使見本傳及歐

六年二月就道見集中過是橋之建始皇祐五年終嘉祐四年經歷七年之久然初始之初忠惠既

不與見中間雖兩剖泉竹計督視工役前任惟五閱月後任距橋之成亦惟十八閱月耳然則記中

所書職事諸人其勞亦不可沒也攷讀史方輿紀要謂慶厯初郡人陳寵始甃石為沈橋名勝誌皇

祐五年郡人王實等又倡為石橋會蔡襄守郡慨然成之今記中所稱王實即其人也公書此時年

四十九也

碑石前段粗後段細前段有橫裂紋而後段完好

二石筆法亦復不同則當有一石為重刻固自無疑考閩書云好事者謂外國夷人摹倣其書勒粗石上盜易其一是以前段為重刻矣孫鑛書畫跋跋云嘉靖中遘倭患石燬其半土人取舊本摹補之前一段仍舊刻也楊賓大瓢偶筆亦云後段筆頗弱應是重刻是以後段為重刻矣然外國盜易之說何鏡山已斥為齊東野語本不足辨而閩書述洛陽里人劉宏實之言謂幼時讀書祠下嘉靖末祠燬於倭亂碑離地四尺許石理橫裂斜倚石垣居久之忽自端正意有神物呵護則碑之橫裂

斜倚宏實尚親見而歷歷言之豈有一石全燬為鄉人摹補者乃反不知耶是孫氏楊氏之說亦非確據余嘗摩挲石下於後段石末得細字一行題曰曾孫奉議郎直秘閣提舉福建路市舶賜緋魚袋桓立石福唐上官石鐫凡二十八字為自來所未拓著錄家亦無言及之者案桓以避欽宗諱改名櫛宣和間任泉州市舶旋知泉州去橋成之日已六十餘年不應忠惠所書至桓始為立石種種疑竇殊難臆決竊意忠惠立石之地其時尚未有祠福建通志謂其初碑在橋下又云橋趾低下水

至則沒石梁或碑在橋下時數十年間風潮剝蝕
已闕其一逮蔡桓提船因補刻一石移碑祠中故
石質筆勢不能盡符也若謂明人重刻則斷不然
莆陽文獻云忠惠曾孫四人櫛樞楸洗櫛字子強
大觀三年進士歷官朝奉郎直秘閣知泉州人謂
有祖風烈攷王梅溪集復安靜堂在泉州詩云端明
之孫字子強銀鉤鐵畫傳遺芳昔年作郡古平海
大筆親書安靜堂自從宣和至乾道字與輪奐爭
光芒據此則桓之書法實能繼其家學者碑之後
段或桓自書者歟郡志以桓之守泉列政和間當

以此詩正之

劉澤書萬安橋三字

在晉江洛陽橋中
亭海壩巨石上

萬安橋

右萬安橋三字字徑三尺餘在橋下大盤石上案
書史會要云劉澤閩人善大字嘗書萬安橋三字
在海石上徑三尺許有隼尾存筋之法時蔡襄造
橋不自書澤書之

劉弈墓碣

石高七尺四寸廣三尺六寸二十一行行五十三字
正書碑額隸書劉蒙伯墓碣文六字錫刻在候官縣

宋故朝奉郎尚書屯田員外郎通判潤州軍州兼管內
堤堰槁道勸農事上騎都尉借緋劉君墓碣文

君諱奕字蒙伯其先漢唐以來世有顯人至祖考皆仕
國朝 考諱若虛尚書屯田員外郎

贈光祿卿克祿之碑 襄嘗銘之系次詳焉 君天聖

八年進士及第授惠州推官疾不果行次調南康軍判
官移知洪州武寧縣事改大理寺丞累遷尚書屯田員
外郎歷知鄭之滎陽鳳翔府判官通判漳州潤州事以
皇祐三年五月二十三日終潤州年五十三明年正月
廿四日葬福州懷安縣靈山鄉越城里夫人陳氏封寶

應縣君子康夫寧夫岐夫女長適韓昌國次明州慈溪
令陳章其季進士林回君於文章要以理道為得不苟
聲律其論性情推明孔子之法尤非浮屠所傳力教於
人開曉其路從之學者咸以吾道自處久之貧無以生
就舉進士中乙科喜曰吾不能為時之文章恐不復得
仕進今幸中第吾志得矣其在武寧民熹訟而易刑為
令者多嚴法以止之猶不能勝君雖細事為之盡心有
兄弟訟者辭之親愛之理以感動之輒泣涕自咎引去
刑省而民捕慶歷中元昊叛陝西用兵韓丞相為經略
使辟君鳳翔一道兵民劇事多倚君辦集連年兵敗民

窮乃上書

朝廷言其兵所以敗民所以窮

之狀其略曰陝西之要練兵運糧最為首務其策皆未為得都部署上將軍之任也而無專制之權其偏裨才否不敢輒去留之軍無行陳之法見利輕進畏敵遽退所以每戰必敗偏裨不死上將之令士卒不知什伍之制其理豈有勝哉邊戍益多稟粟益廣轉運使職其事也今之轉運使皆以序進不計其能未更年歲屢遷易之文書凡目曾未能知其暇以民為意乎一方之患內靡度支外輟兩川之賦調及天下關陝之民流離窮困而邊儲日窘不幸天下之患有大於此何以支乎蓋由

轉運使不擇其才不久其任無所歸責也又言被邊宜募土人給其閑田使之自衛其境可以省費言數十條率多此類事格不報漳州漳浦有虔州民四百人入縣買官所賣鹽令捕之民因鬪拒遂鞠其私販而強捍其法應死囚多繫久疫殍相屬君為直其非私販而出其不鬪拒者坐法數十人而已君初仕顧天下事若無所為而可辨歷宦二十年所至施為謀議多不能如其意然後知不可以力為也於是補吏南歸展省墳域緬然有退耕之志而未果也其終之歲予適過潤州君病漬以手書謂余曰吾止於此矣唯穉子是託既終斂無新

衣囊無餘資郡吏民集錢二百千以贖夫人辭焉歸葬於閩居無室廬產無田園勤勞其家清節不渝夫人之力焉嗚呼十年之間康夫以學行自立又能請文永其先烈予既悲之而又慶其有後也銘曰
文弊於詞在天聖初牽拘媿偶華譚剝膚君於斯文本末扶疎世言性情淪於浮屠君為中庸聖哲之樞經營萬務於時有需既官於陝畫思夕圖條兵轉餉實究民痛上書于朝事願之殊漳有冤獄十百其徒辯處平治脫釋不辜寢後丹楊聲聞益敷齋終克明歸宅海隅父子兄弟次序不踰既順以安斯其已乎
嘉祐六

年歲次辛丑四月十九日樞密直學士尚書禮部郎中
莆陽蔡襄撰并書

陶翼模刻

右蔡君謨書劉蒙伯墓碣在侯官縣九龍山宋時為懷安縣地故文中曰懷安也蒙伯閩縣人其父若虛墓碣亦出君謨手今惟此石存書法凝昂蘊藉無一懈筆泐者僅數字耳文與本集所載時時不同刑省而民獮集作民格案集韻獮通作服說文牛部引易獮牛乘馬今作服牛左傳王使伯服如鄭請滑史記鄭世家作伯獮後漢書皇甫嵩傳義真獮未乎北史魏收嘲陽休之義真服未正作

服字此皆通用之證也後人區為二音非矣稟粟
益廣集作廩粟案漢書西域傳須諸國稟食注稟
給也讀曰廩又強捍其法集作強坐顧天下事集
誤顧作願惟穉子是託集誤是託作遲記華譙刺
膚集誤譙作調皆當以碑為正蒙伯之子康夫嘗
主泉州學有善績其卒也鄭監門俠銘其墓謂蒙
伯之卒僚佐賻之康夫尚幼謂母曰勿汙吾父却
不受是碑述辭賻之事僅曰夫人辭焉而不及康
夫者歸美於親之義也

韓中令像贊

石高五尺廣三尺五寸正書徑七分二十
一行行十餘字不等在泉州城隍廟東廂
有宋右諫議大夫贈開府儀同三司太師中書令兼尚
書令魏國韓公寫真贊一首

尚書吏部侍郎叅知政事廬陵歐陽脩撰

氣剛而毅 望之可畏 色粹而仁 近之可親 有
韞于中 必見于外 庶幾髣髴 寫之圖繪 惟其
盛德 不可形容 公德之豐 後世之隆 誰為公
子 丞相衛公

治平元年秋八月十日

三司使給事中蒲陽蔡襄書

二十六日

治平元年九月十五日模勒上石庶傳永久第六
子琦謹記

諫議韓公景德中守泉南忠獻大丞相實生郡舍大
猷舊得二公像藏于家今幸承乏此來因刻石祠堂
之右以為此邦榮觀

乾道九年五月五日左中大夫充敷文閣侍制知州
事四明汪大猷謹識

附明人跋

粵稽中令清源秉政積功累仁受天之慶篤生異人
兩承顧命三相宗君勲庸獨盛厥子垂休韓侯播詠
像肅清高令人起敬

萬曆丙申春二月上丁之吉知泉州府事新安程朝
京拜書

宗諫議韓公景德中為泉南郡守其子忠獻公即守
泉時所舉者乾道末汪公仲嘉嗣守是邦始携二公
像鑄諸學宮蓋甘棠崧嶽之章兩者並不朽焉卓爍
哉諫議公之發祥所淵源遠矣純仁者深仰止之思
今切繪圖之志既新忠獻公像爰併公象而新之復
綴數語為跋昔萬曆乙未秋八月既望晉陵景范劉

純仁元之甫書

泉郡庠教授李一鈞訓導張潮馮夢龍林萬松揭喬
嵩晉邑庠教諭吳會寅訓導林模謝迎南邑庠署教
諭劉若侗訓導劉朝陽周良翰安邑庠署教諭滕養
志全勒石

右韓諫議國華像贊歐陽文忠撰蔡忠惠書乾道
中郡守汪大猷所刻也首行標題稱諫議為魏公
贊中稱忠獻曰衛公名號歧出與富文忠所撰諫
議神道碑正同碑立於嘉祐八年王述庵謂治平
元年五月忠獻始晉封魏國不應此碑標題已云

魏國公也竊嘗攷之宋代封國之制每由小晉大
如忠獻初封儀繼封衛繼封魏是也若封贈祖父
官雖如其子或遇慶典累贈則多至崇階如歐陽
文忠爵僅郡公而其父以郊恩追贈崇國公之類
是也至封贈國號則臨時酌定不盡與子同如杜
祁公衍父封韓祖封吳見歐集陳歧公執中父封魏
祖封燕曾祖封衡見臨川集韓康公絳父封周祖封燕
見蘇魏公集蘇魏公頌父封魏祖封福見曾肇所撰墓志韓
王世忠父封陳祖封秦曾祖封楚之類見趙雄所撰神道碑
是也間亦有父子同國者如司馬溫公見東坡集蘇魏

公見之類是也忠獻上世封贈神道碑中明云丞相貴累贈公與祖尚書曾祖永濟三代並大師中書令兼尚書令又啓魏燕冀三國皆追封為公是父封魏祖封燕曾祖封冀三代封國迥然不同則標題稱諫議為魏公無可疑也述庵未及詳攷其制耳若夫忠獻晉封魏國宋史宰相表列於治平元年閏五月然據畫錦堂記立於治平二年三月猶稱衛國公俗本譌魏石刻不誤則其改封當在二年三月之後故錢竹汀指為史之譌文是矣贊末忠獻自記一行稱第六子琦蓋尚有球瑄琬琬五兄也

碑經明人重開寔失其真然較宋氏古香齋蔡帖尚可雲初眎之

又案春明退朝錄云凡輔臣宣徽使初入封三代為東宮三少曾祖為少保祖為少傅父為少師因進官或遇大禮進加至大師兩令國公使相節度使亦封三代尚書資政殿大學士三司使封二代至太尉學士至待制封一代至太尉餘陞朝官以上至吏部尚書如父歷兩府贈至師令國公歷兩制大兩省贈至太尉此宋代封贈之制也案韓魏公安陽集云先君寫真得歐陽永叔為之

贊而蔡君謨書其側崔公孺國博以詩稱美次韻
答之自注云真置墳寺則是像原石當在相州也

于山宋人題名十二段

摩厓高廣不等
在福州城內

張徽等題名 正書在
平遠臺

轉運使張徽知軍州事程師孟轉運判官湛俞熙甯二
年七月遊

案張徽程師孟湛俞均已見烏石山題名

江公著等題名 正書在
金粟臺

提舉常平江公著轉運判官檀宗旦通判軍州事吳亮

提點刑獄程遵彥元符庚辰十月十八日同遊九仙萬
歲寺登金粟臺

案公著字晦叔桐廬人宗旦字之美池陽人吳亮
字君采三衢人遵彥字之邵鄱陽人其字貫均見
烏石山題名亦四人同遊者蓋先此一日云

葉彥成等題名 正書在
金粟臺

葉彥成喬叔彥章叔虎朱知叔同遊崇甯五年人日

案彥成名棣浦城人時知福州叔彥名世材時提

點刑獄叔虎名炳文時提舉市舶 見九日山題名
地志譌炳為煥

石刻及興化
志職官不誤知叔名英時提舉學事 見烏石
山題名

何誼直等題名

正書在
金粟臺

提舉常平等事長沙何誼直浩然提舉茶鹽公事大梁
張□□□兼知政事□□□□□□□□□□同登金
粟臺政和壬辰□□

案何誼直徽宗時任提舉常平見宏治興化志吳

公誠傳原名泐誼字據補

陳暘題名

正書在
廓然臺

梅川陳暘命名賜紫釋鴻份書政和四年仲春任國明
□□上石

案陳暘福清人宋史有傳廓然臺蓋其所名

俞師直等題名

正書在
平遠臺

俞師直邀楊達夫劉應叔瞻禮佛會早饒平遠臺宣和
壬寅四月初八日

黃處中等題名二段

正書在
廓然臺

黃處中會第武子鄧純彥謝成彥於野意亭劉德夫先
隸宣和乙巳初春九日鄭尚明題

又

正書在
金粟臺

黃處中邀柳寬夫謝成彥鄧成彥黃堯臣鄭尚明并弟
武子遊宣和乙巳臘月初澣

案黃琚字處中延平人其弟武子名畋柳寬夫名

卷八 一四

卷二 十五

緙雲間人皆見烏石山題名處中宣和間通判福州鄭尚明名昂均見通志

吳正仲等題名

正書在
金粟臺

永嘉吳正仲新安口堯夫郡人鄭尚明口口口靖康元年清明口於此

鄭滋等題名

篆書在
平遠臺

齊口鄭滋德象吳興劉嶠仲高潁川范正國子儀同飯素於萬歲寺烹茶金粟臺登三山閣觀閩王所施織經及佛時口雪初霽江山明潤顧望久之遂過野意亭紹興二年季冬朔辛炳如時以幹不至

案劉嶠時提刑福建辛炳候官人官殿中侍御史
蔡京南謫者宋史有傳

程晉道等題名

正書在
廓然臺

程晉道解帥事將造行闕前一日拉徐持志劉仲高同訪小華峯登廓然臺憇野意亭超然遐矚危岑列岫盡落樽俎間晉道化行若登仙而居者無路挽留不得從容物外之樂殊為大恨紹興壬子季秋十一日時候勉仲以疾不至

案晉道名邁黟縣人建炎四年知福州兼安撫使
考張守昆陵集福州州學釋奠記云守以壬子領

帥事壬子為紹興二年合參之此題名則邁解安撫任實紹興二年通志職官泛言建炎間任安撫尚未確也又考烏石山亦有晉道題名云紹興壬子仲秋新安程邁晉道云云實先此遊四日宋時官列重內輕外故邁還朝有登仙之羨唐書班景倩由採訪使入為大理少卿倪若水嘆曰班公此行若登仙蓋其由來舊矣于山亦名九仙小華峯廓然臺野意亭皆山中勝志

陳休齋題名

隸書大小兩行在平遠臺

陳休齋曾來

淳熙丙申中秋

案休齋名知柔晉江人

右于山宋人題名十二段山在福州城東南隅高大不及烏石岩壁留題亦僅及十之二所稱三十六奇者多恍惚不可跡回厓峭嶝亦無復灑墨續之者矣

戴忱蓮華峯詩

摩崖高一丈一尺廣一丈篆書五行行五字旁款正書二行行九字在南安蓮花峯

熙寧三年歲次庚戌四

月戴忱題曾孝修篆

蓮花池在南安縣西北二里許巔拆八石若蓮敷
辦黃涪翁曾銘之宋時鑄諸九日山墨妙堂今不
可見矣石壁戴忱詩篆字為曾孝修所書孝修名
不見圖經當為孝寬孝純兄弟輩公亮從子行也
戴忱南安人見黃文炤九日山志此書大與般若
臺李篆埒而結構頗疏緩固未能與少温爭衡然
亦自具體山有不老亭明代建即取此詩第三句
名之郡志錄此詩為石

沈紳等鳳池山題名

正書在侯官縣北

提點刑獄沈紳招轉運使張徽知州事程師孟轉運判
官湛俞遊鳳池賢沙會於安國熙甯三年十一月二十
五日

鳳池山在侯官縣北去城五里有水一泓嘗有五
色鳥浴其內因名其山沈紳張徽程師孟湛俞均
已見鼓山烏石山題名賢沙寺在昇山下昇山本
與鳳池毗故寺亦屬鳳池也安國院在卧龍山詳
見三山志

沈紳鼓山銘

鼓山銘

正書在大頂峯

鼓劣崩頂峰特窮島夷頽封域屏閩東拱辰北歲辛亥
帝司赤竦紳烈從隋陟蹇若華揖瑤極呵蜚靈蹠鼇脊
披霄根殫目力高者仰深必惕謹其至惟古則

熙甯四年丁竦沈紳陳烈同遊

右丁竦沈紳陳烈同遊鼓山而勒銘以紀者也竦
丹陽人以太常少卿知福州紳字公議會稽人時
提刑福建烈字季慈候官人教授本州此銘自鼓
山志及諸志書皆題為陳烈作案元吳海遊鼓山

清源山宋人題名九段

摩崖高廣不一在晉江

記云觀晦翁大字讀沈公議銘摩挲徐鹿卿請雨
記則此銘乃紳所作非烈也今為正之

張伯常等題名

篆書四行徑八寸年月
兩行正書在千手岩

伯常公叙希祖宗儒同至

熙甯辛亥
口口修書

案張徽字伯常熙甯間知福州兼轉運使有烏石
山題名亦止書其字即其人也篆書運筆與曾孝
修所書蓮華峯詩同此刻有口口修書字其為孝
修所書歟

瑞像巖造像題名

摩崖高五尺廣一尺七寸三行每行字數不等在瑞像岩

大宋元祐二年歲次丁卯眾造

釋迦瑞像於其年十一月廿七日訖工勸首僧口廖冲吳奕趙政

施主闕下

案郡志云宋林道者誅茆是山夢人使鑄像且示

鑄者姓名魏周周夢亦然今石刻未行已鑿去止

餘勸首四人名亦無林道者及周名其旁石室之

鑄尚有大大字一行交壁填砌無從見矣

胡仲方等題名

摩崖高六尺七寸廣二尺六寸三行行十字隸書在瑞像巖

廬陵胡仲方溫陵林廣叔高密趙東武萊陽辛懋嘉慶

元三年二月中休來游

宋詩紀事云胡榘字仲方廬陵人銓之孫嘉定中

官工部尚書出知福州考周益公集胡銓神道碑

稱紹熙間渠監泉州船務則此題名當在其時也

趙師諱等題名

摩崖高六尺八寸廣四尺七寸五行行九字隸書在瑞像岩

浚儀趙師諱忠父永嘉解邦俊欽叟三山王冲用用之

清源蘇啟宗政叔慶元四年三月戊午同集于奇觀邦

俊謹識

施誠一等題名

摩崖高五尺廣四尺八寸五行行五字正書在瑞像岩

茗溪施誠一明仲錦溪章甫冠叟嘉定庚辰八月二十

九日同遊

趙貫道題名

摩崖高五尺廣四尺五行
六字正書徑七寸在純陽洞

嘉定辛巳正月下澣古汴趙口口貫道侍親來遊金陵
羽客李坦然同行

右趙貫道題名其名已泐僅存表德郡望稱古汴

當是宋玉牒也石為落封蘇翳字畫半模糊莫辨

丙寅秋抄餞龔詠樵太史於此因訪山中石刻黃

沛川舍人以手摸其痕識為嘉定適攜榻工遂拓

以來山中宗刻殊稀固不可以殘闕棄也

趙楷等題名

摩崖高七尺廣三尺三寸八
行行十九字正書在紫澤洞

嘉熙庚子良月中澣後二日衡嶽趙楷用晉人蓮社故

事約道友遊紫澤洞先集者建安真直道吾里趙彥琬

趙思齊陳渙發柳鼎新趙達夫霖夫釋汝明正昭法定

本洪守真羽士朱夷不至者江慶子呂圭陳桂一時久

曠忽雨物情昭蘇尤於麥宜迺登喜雨軒分儔序齒陳

果茗歛觴詠雖騰焱號寒飛溜濺滑曾莫沮其清歡也

北山老人劉用行未至因紀歲月于蒼壁

右紫澤洞會集題名一十八人五僧一羽士其人

大半無可攷旁有紫澤洞天四大字末歛題劉口

口書無年月名復泐疑即此題名中之劉用行也

用行字聖與晉江人嘉定進士所著北山漫游故

自稱北山老人云

趙楷等題名

摩崖高六尺廣四尺五行
行七字正書在獅頭巖

南岳趙楷偕昭武朱正中東嘉許鈺金華沈驥滕士修
三山王洧以淳祐乙巳春社日來遊

清源之東麓曰龜巖繞磴而上半里為獅巖未至
數百武二石壁立中開一徑壁上刻石門蘭若四字
字大贏二尺旁款已泐下鑄趙楷題名正書如掌
方正有法尋謂蘭若者并基塢亦湮廢無存矣光
緒戊寅秋暮黃敬堂學正邀為龜岩之遊因與舍
弟義門搜得是刻錄以歸他日當命工人拓之附

近有清涼南吼四字在巨石上旁題大梁鄒式金
為□□題亦古刻惜無年代可考耳

趙崇鐵等題名

摩崖高六尺廣三尺五寸五
行行十字正書在瑞像巖

浚儀趙崇鐵以建守兼漕自清漳道温陵郡守潼川譚
應斗同遊北山郡人莊□□三山劉同祖永嘉吳洪俱
德祐乙亥十月八日

案新修福建通志轉運使名有趙崇機考崇鐵為
商恭靖王元份裔孫志作崇機誤也宋史益王紀
德祐二年阿刺罕兵至建甯執知府趙崇鐵即其
人矣宋時福建轉運使治所在建州故崇鐵以建

守兼之其自清漳道温陵者蓋行部所歷也
瑞像巖南宋人題名四段慶元二嘉定德祐各一
合計十有五人見於圖經者惟晉江知縣趙師諱
通判施誠一建甯郡守趙崇錢餘俱無考譚應斗
為泉郡守官亦不卑而志書不載蓋彼時宋鼎將
淪紀載多缺故耳

清源洞碑陰

碑存半段文五行行七
字正書在清源山上
上關修造者郡侯世繼關開其地迂已向建關疏圍鑿注
池砌垣關工於甲申秋也提關然風等志歲月云

碑已中斷亡其上截正面存源洞二字旁款署真
秀立蓋真西山所書者也碑陰存五行凡三十五
字記修造岩寺之事所稱郡侯世繼圖經未載其
名其曰甲申秋亦不知何時矣

清源山宋人榜書

米芾第一山三字

碑高
末款小行書徑二寸在瑞像岩
廣行書徑二尺餘

第一山

米芾書

此書不知何時所摹明郭秉詹貞隱園帖已言之
則非近代刻矣攷陝西盤屋江南盱眙浙江西湖

慈嶺福州鱗次臺皆有米書此三字或從彼處摸來歟

林爽壽字摩厓字徑丈餘兩旁小款徑七寸在碧霄岩

宋淳祐甲辰立春日三山

壽

林爽奉親游北山書于石

右林爽所書壽字在碧霄岩巨石上山石聲確必
北緣迴磴始得一觀圖經謂字高二丈余嘗數至
其下細度之亦僅可丈餘耳書法端正平直無側
媚態石當岩風峭烈處故不易拓林爽時蓋為晉

江令

呂道人虎乳二字附

虎乳二字徑一尺七寸旁款徑四寸石
總高二尺廣五尺在清源山孔泉石上

虎乳

呂道人乙丑仲夏游清源山題

孔泉在齊雲山半片石坡陀上墀荷色之狀徑二
尺許深三四寸視之初無罅漏而微漸涓涓循縫
而出下注於窪甘洌為一州之冠點茶尤佳倘
陸鴻漸張又新輩未知中冷康谷品第正復何如
耳泉故有二隙其一今室虎乳兩字即鏡石上道

古不類時筆據旁款為呂道人書或以仙蹟疑之
然岳陽之詩榴皮之書奇跡徧天下正不得以尋
常論也

東嶽廟蓮盆識

盆圍徑三尺七分五分銘在唇
今在候官東城外東嶽行宮

懷安縣感應鄉西安里弟子鄭德與室中林三十一娘
捨蓮盆入東岳永充供養元豐元年正月初一日題

廟在今候官縣即宋之懷安縣地三山志所謂東
華宮泰山廟也庭中舊有四甕蓮盆周鑲師子花
卉甚精後毀其二款式銘識均同以陶甃之器能

歷七百餘年亦奇壽矣點畫頗漫漶然尚可讀道
光中陳編修壽祺訪得作歌以記人方有知者

品石山箋經臺宋人題名三段 元豐至寶慶

陳紘等題名 正書

河南陳紘公度開封李茂直景弼壬戌仲秋壬申遊安
國院箋經臺

陳孔碩等題名 篆書

陳孔碩膚中馮多福季求趙師夏致道嘉定癸未清明
日同遊

王開鄉等題名 正書

王開卿趙履節徐清伯約陳膚仲會於卧龍山時寶慶
丁亥季春甲戌日

品石山亦名卧龍在福州升樓門外迤西五里三
石圓聳如品字形故名大中祥符中僧可度注楞
嚴於此故有楞經臺陳紘元豐中為轉運副使壬
戌則元豐五年也孔碩福州人朱子高弟學者稱
北山先生多福紹熙四年進士

漳州開元寺石盆識

刻字處高一尺九寸廣二尺八寸五行
行四字正書在漳州開元寺右梅檀室

當院朱全為考妣及自身捨錢置造元豐六年癸亥

盆作方形石理物劣拓本頗漫漶對石辨似尚可
讀漳州開元寺在芝山之麓與書院接明人題書
院檻云十二峰送青排闥從天寶以飛來五百年
逃墨歸儒跨開元之頂上同治二年左湘陰平粵
寇於此改開元為試院亦題一聯云經始問何年
果然逃墨歸儒天遣梵王納土籌邊曾此地大好
修文偃武我從瘴海班師今德士安禪之地已為
子衿戰藝之區是盆委置荒墟亦鮮摩挲及之矣

高蓋山宋人題名四段

黃叙題名

正書在名山
院西石室

元豐八年孟春十八日權知縣黃敘瞻謁祠下彷徨不能去夜宿其院同來釋惠言刻石以誌歲月

又正書在東石室

石門至西室茲山之勝概也元豐八年正月十八日權知縣事黃敘子理記

鄭儼等題名正書在東石室前

鄭儼王介鄭守仁同來瞻勝概為之忘寐嘉泰元年三月二十三日書

董鴻道題名正書在石門

嘉熙庚子勸農日邑令臨川董鴻道來遊

崇高蓋山在永福縣道家之第七福地也

南澗寺架廬題識

摩崖行書徑二寸在福州烏石山石夾廟

弟子王勝與室中陳六娘同發心各為所生父母捨財入南澗寺架廬一造兼栽松竹永為林樣所冀微動願延景福宋元豐乙丑歲季冬十四日謹題

案林樣語不可解或內典有是語如宰堵波之類邪

方廷範墓碣

石高三尺五寸廣二尺二寸大小字各二行正書在莆田靈隱山

眉山蘇軾書

故贈金紫光祿大夫方公之墓二行每行六字

嗣孫方珙立

閩中絕少蘇書此方金紫墓碣大小二十二字為東坡墨妙之僅存者碣為方珙所立題曰故贈金紫光祿大夫攷之福建通志方名廷範避黃巢之亂自固始來閩居莆田為方氏始祖子孫蕃衍極盛於宋今稍替矣

會通井床題字二段

二段均高一尺餘長四尺今在泉州城西會通巷

元祐戊辰重修

紹興甲戌再修

井在子城肅清門外道光時里人於井旁獲兩石欄各有鐫字楷書徑八九寸今井覆以巨石兩欄委置途旁矣

福州社壇銘

摩崖正書徑五寸在福州烏石山鄰霄臺西

大宋福州社壇銘

后牧民天迺食維社稷作稼穡風雨雷贊生殖協時日祭有秩歲庚午夏率職即坤維眠壇域池汙隘制匪式

爰廣新古是則辛未春工告畢齊有廳器有室暘若雨
事咸飭後之人敬毋斁

元祐六年三月溫陵柯述撰王裕民書

或問社奚銘予謂祭主敬不敬如不祭社稷歲再祭所
以為民祈報而政莫先焉予守茲土視其壇池汙且隘
不足以行禮迺廣而新之壇壇器宇靡不周備敢不以
告於後之人於是勒銘於壇之東南烏石山之頂前為
亭曰致養以其當州之坤焉柯述仲常

仲常晉江人已見烏石題名此器蓋元祐五年知
福州時作也孫氏訪碑錄誤云梅述撰書者王裕

民亦晉江人熙甯三年進士元祐間知邵武縣



卷之

二

